

Beeka Mbεε Bhaadal ε Yezu Klisto Malak nakaada tɔ mɛkana mε. Malak nabe ε ngɔt tɔ eYuda nakan εdum koŋ nε Zεεb bhii bε nagwak Mbεε Bhaadal nε bεdjekel ε Yezu ε. Nyε nakwyal mɛkana mε mbεε etεp bak ε, ε sok bot nadi, bε dinaa ààpaamyaal mɛkpa ε Zεεb ε.

Mbɛɛ Bhaadal Malak nakwyal ɛ zobaadu ɛ ɛzel ɛ wat ne bemɛkana mɛ Mbɛɛ Bhaadal elɛl yii mɛkɛn. Tin, nyɛ nakaada yɛ ɛ dɔ́a puugɛ. Kana mɛkpa mɛ mɛkɛn, nyɛ lyaal bot Yezu ɛ dɔ́a Sɛɛɲɛlɛ Mɔn Mot, (1.1). Pɛ kyee mɛsik mɛ Mbɛɛ Bhaadal nyɛ kake ɛ náá, Mɔn Zɛɛb eegwɛ bema ɛ Mɛlaaba (15.39).

Pe to pak meken me mekana me Malak (1.1–8.26), Yezu aakwyel náá, bot leegu ze nye nadi. Nye nadi etsik membel, esɔ melyeeb to bot, nye nadi elii e ne eghen. Bot nadi edji-dji náá: «Nwyak é nwyaa mot?» Tin, Yezu nadi eke ne bot é di egek náá, be ne gu nye o náá: «Nàleeka bot, sa me di e.»

Pε tɔ yak pes mekana kalik ε (8.27–16.20) lyaal é dǎa Yezu di Mɔn Zεεb ε.

Bot ε mel me Ǝyon ε Lɔm nadu-duwal ekukuma bɔɔ é dǎa beZεεb. Bot ε tak nadi esa bεte ne mevyεkele, be nadi é bengék ε bot, etεp djas bot nadi ezyε be ne ye ε, be nadi ekwak.

Ghuna Yezu nabe é Mɔn Zεεb, myaala nye namyaal mot ne esesεε be djas, ne dǎa nye nalooba ne Zεεb ε. Ye naasa náá, nye zuk da nye é gwyε. Dɔɔ ne náá, bεdjekel be nabe é àaleenyɔ egu ye. Ye nabe é, be naadhuugal nye, é sok ye nakeaa náá, nye waagóaa ε. Tin, dhiiti kukuma esodja e Lɔm ε nake náá: «Ne tseetse, mot'ak nabe é Mɔn Zεεb», é sok nye nabee dǎa Yezu nasil eswos ε.

E sok Yezu di elii kɔ esu ε le met ε, nye dyeebake é náá, nye é Seεnjele Mɔn Mot. Ye kwyel elyaal é mot Zεεb nadje ghwyil djasɔ, dɔɔ ne ghwyil epée ε bot, ne epel ε mesyem. Mεkpa me tak baakwyel eleε é náá, tseetse nye nabe é mot. Ye lyaal é mot mebwala me nye nadi ε, ne lwomel nye nazyε kɔ esu ε tak ε.

Mbεε Bhaadal Malak nakwyal ε, dji é kiya náá: «Yezu é ze?» Mot tok ne ghwyil ebɔɔza é di'enek. Mekana ε Malak lyaal é meze me Yezu nadhaa e tak ε. Ye epekwyee bot étεp be neegu batsa-batsa mot Yezu nadi ε.

Zaη Nduuel-bot

¹ Ɛken ε Mbεε Bhaadal dum ne Yezu Klisto, Mɔn Zεεb*.

² Dǎa ekwyala di eleε tɔ mekana me ngoolel-mekpa ε Zεεb Ezayi náá:

* **1:1** Mɔn Zεεb: tɔ bεte ne ekwyala nakwyaalel sok ε, ekwyala bak tok tɔ bεdhiiti tak.

«Mam Zεεb é waadhis ngoola-ngoola yam pε sok
bhwoob'ɔ

étεp nyε neekoobal wɔ mεze.†

³ Ye é gwood mot di etuud kɔ kyee bɔs besyε di ààbε
nε mεdii ε.

Nyε nakeke nε bot ε mbyak'ε é náá:

“Koobalka mεze ε Ghεη!

Tuuka nyε mεze mε na looba-looba!‡”»

⁴ Tin, Zan Nduuel-bot eezεzyε pε kyee bɔs besyε
di ààbε nε mεdii ε, nyεy etuud náá: «Liigka elyem,
da bi é kεduwa Zεεb. Tin, Zεεb é waapel mesyem
men.»

⁵ Tin, bot ε kyee dik Yude djas nε bot ε ghaada
Yeluzalem lɔɔg wat, bε eezεtɔ pε daa lε, kevaa
mesyem mɔɔ é mis mε bot, nε εduwa Zεεb tɔ dii
Yulɔn.

⁶ Kaad Zan nadi ebɔt ε nasael é, nε mya mε boo
yaaga kyee bɔs besyε di ààbε nε mεdii ε. Nyε nabε é
nε bhεtε ket é kuu. Nyε nadedε é etsemaaka nε ego.

⁷ Nyε nadi elyo mεdhuu mε bot binɔk é náá: «Mot
di ezyε bhii mam ɔ, nyε eedhaa mε nε mεbwala.
Mam aanákwaakobela-belak duu εmalal étεp
εkotii-tiiak ekel e ekoko bε.

⁸ Mam duu bin Zεεb é pε tɔ dii. Yε kabε nyεy ɔ, nyε
aadu bin Zεεb é tɔ Sisim na Dεε.»

Eduwa Zεεb, nε mεbhowal ε Yezu

⁹ Tin, tɔ mεlu menek, Yezu naazεdus pε Nazaret,
pε kyee dik Ghalile, nyε eezεtɔ pε dii Yulɔn, étεp
nyε neekεduwa Zεεb pε daa Zan.

¹⁰ E ghεη nyε nadi ewyis tɔ dii é, wɔ gwaa, gwoo
zεbεηel. Sisim na Dεε eezεsul kɔ lε tyee εghum.

† 1:2 Mal 3.1 ‡ 1:3 Eza 40.3

11 Gwood wat zegék tɔ gwoo eke náá: «Wɔ é mɔn'am mɛ dyeebakwyɛl ɔ. Bum lyem'am é nɛ mɛmyaala ebuɛpe kɔ ɛsu ɛ lɔ.»

12 E di tak wat, Sisim Zɛɛb eezetɔ nɛ nɛ pɛ kyee bɔs besyɛ di ààbɛ nɛ mɛdii ɛ.

13 Yezu naazɛsa tin pɛ kyee bɔs besyɛ di ààbɛ nɛ mɛdii ɛ, mɛlu mɛkam-mɛná. Satan naawa nyɛ tɔ mɛbhowal. Nyɛ nadi é tɔ bɛtit ɛ dik. Efofop nadi ezɛkwyee nyɛ.

Yezu moo kan ɛsa mɛsa mɛ Zɛɛb

14 Ba mɛlu bhii tak, Zan naazɛmɛtaa é mbok. Tin, ye nabɛ é, Yezu naazɛtɔ pɛ Ghalile egoola Mbɛɛ Bhaadal Zɛɛb. Nyɛy náá:

15 «Ɛwala Zɛɛb nakɛk ɛ, yɛ eezɛkum! Ɛyon ɛ Zɛɛb moo é ɛkunaaɛpe. Liigka elyem, myaalka Mbɛɛ Bhaadal Zɛɛb.»

Yezu eezɛdjɔ bɛdjɛkel ɛná

16 Yezu nadi ɛkɛ mbaka-mbaka nɛ boo soob na djato-djato e Ghalile. Wɔ gwaa, nyɛ zɛbee bɛlael ɛ mɛwyet bɛbá, Simɔn bɛ nɛ dhyyeb Andele ela mɛwyet tɔ dii.

17 Yezu eezɛke nɛ nɔɔ náá: «Duka mɛ, mɛ waasa náá, bi di bɛlael ɛ mɛwyet éteɓ ɛmɛt ɛ bot.»

18 E di'enek wat, bɛ eezɛdhuugal mɛwyet mɔɔ, éteɓ ɛdu Yezu.

19 Bhii Yezu nakɛ ba «zii» é, nyɛ eezɛboma nɛ Zak bɛ nɛ dhyyeb Zan, bɔn Zɛbɛdɛ. Bɛ nadi é, mendiindil tɔ elɛɛd bɔɔ sela é ɛbɔn, bɔɔ ekoobal mɛwyet mɔɔ.

20 Batsa deenek, Yezu eezɛdjɔ bɛ, wɔ gwaa, bɛ zɛdhuugal sɛɛg'ɔɔ Zɛbɛdɛ nɛ bot ɛ mɛsa mɛ tɔ elɛɛd, du nyɛ.

Yezu eelyo bot tɔ ndjaa mendjaala mɛ eYuda

²¹ Yezu bɛ nɛ bɛɗjɛkɛl bɛ eezɛni kɔ dɛl Kapɛlnaum dwoɔ saba\$. Wɔ gwaa bɛ zɛni tɔ ndjaa mendjaala mɛ eYuda. Nyɛ eezɛben gwood elyo mɛkpa ɛ Zɛɛb.

²² Bot ɛ nadi egwak nyɛ ɔ nadi edjoka kɔkɔ mbi yɛnek lɔɔa mɛkpa ɛ Zɛɛb. Etɛɛ nɔ́á, nyɛ nalelyo é, nɛ eghɛɲ, áàkabɛ dɔ́a bɛghan ɛ mɛkana mɛ etsi ɛ Moiiɛ di ezezyɛ nɛ ɛlɛlyaal bɛ sok ɛ.

²³ E di tak wat, tɔ bot ɛ nadi tɔ ndjaa mendjaala mɛ eYuda ɔ, yɛ nabɛ é nɛ dhiiti mot mbee sisim nadi dhedhek nyɛ ɔ. Wɔ gwaa, nyɛ zɛkyeeb nɔ́á:

²⁴ «Haa! Mena é nɛ yaa tɛp, Yezu, mot Nazalet? “Iyeee!” Wɔ zyɛ é zɛtwak bis é? Mɛ nɛ gu nɔ́á, wɔy é Mot na Dɛɛ Zɛɛb nadhis ɔ.»

²⁵ Wɔ gwaa, Yezu zɛbhɛm nyɛ ɛlyɛɛpɛ. Nyɛy nɔ́á: «Dia gwyem, wyisa tɔ nyɛl mot'ak!»

²⁶ Mbee sisim zokazɛdheeg mot'enɔk ɛlyɛɛpɛ. Bhii tak, nyɛ eezɛwyis tɔ lɛ nɛ boo tsim.

²⁷ Bot djas naadjoka ɛlyɛɛpɛ, bhii tak bɛ moo djinel pak'ɔɔ: «Nwyak é nwyaa kwaambi kɔkɔ lyoel di elyo nɛ eghɛɲ djas'aak? Nyɛ é nɛ eghɛɲ nɛ ghwyil ɛbatake nɛ embee esisim nɔ́á, bɛ wyis, bɔɔ batagwak nyɛ, da é wyis!»

²⁸ E di tak wat, dék din ɛ lɛ zokakɛ kɔ kyee dik Ghalile djas.

Yezu eetsik tsi ɛ Simɔɲ yii moma

²⁹ Wyisa Yezu nawyis tɔ ndjaa mendjaala mɛ eYuda ɛ, bɛ eezɛtɔ pɛ ndjan ɛ Simɔɲ nɛ Andele, bɛ nabɛ é, bɛ nɛ Zak zɛnɔɔ Zan.

³⁰ Bɛ kabɛla tin é, tsi ɛ Simɔɲ yii moma «kɔpɔ» nɛ mɛkosa ndjaasi. Kuma nyɛ nakum ɛ, bɛ eezɛɛ nyɛ.

³¹ Yezu zetiila pe daa le, bhii tak, nye eezemalal ko le. Nye eezemet nye e mbə, wye nye. E di tak wat, mekosa eezesi to le. Tin, tsi e Siməŋ eezewye, nye moo zebe be.

Yezu eetsik zukamwaa ne mot

³² Bikoko, dwoo eezesila, wo gwaa, bot e del zokazye ne bot e mebe membi ne membi, doo ne bot e embee esisim nadi edhedhek o.

³³ Bot e mel djas zokazemaala e ebe e ndjaa nye nadi e.

³⁴ Tin, Yezu naazetsik be ne membel membi ne membi nazy e o, nye naabaaso embee esisim to bedhiiti. Tin, nye nabe e abet naa, embee esisim gheelii, ete naa, be nadi egwyak nye.

Yezu eezetó kegoola mekpa e Zeb ko kyee dik Ghalile

³⁵ To ghooghom melem me yak elu, Yezu eezekuud to pe kyee bos besye di abe ne medii e, etep ekedjaala Zeb.

³⁶ Siməŋ ne bot e nadi be ne be noo o eezetó kesaa nye.

³⁷ Bhii be nakabela nye e, be ezeke ne ne naa: «Bot djas epesaa wo.»

³⁸ Nye ezebzoza ne noo naa: «Djhokaka pe yii mel ete naa, ye goka e me kegoola mekpa e Zeb penek ete naa, me nazy e etep tak.»

³⁹ Bhii tak, Yezu zokake ko kyee dik Ghalile djas, egoola mekpa e Zeb to mendjaa me mendjaala me eYuda ne eso embee esisim to bot.

Yezu eetsik dhiiti mot nadi ne ebe e zezam o

⁴⁰ Dhiiti mot nadi ne ebe e zezam o, zokazetiila pe daa le, kwyt meboŋ si, zedjaala ne ne naa: «Me ne

gu náá, wɔ́ é nɛ ghwyil etsik mɛ, lyem'ɔ́ é kwyɛl ɔɔ, étep mɛ neebula nyel dɛɛ.»

⁴¹ Wɔ́ gwaa, ghonj zɛmɛt Yezu elyɛɛpe. Nyɛ eezɛɛɛb mbɔ, mɛt nyɛ, nyɛ eezɛke nɛ nɛ náá: «Mɛ eekwyɛl! Tsaka.»

⁴² E di tak wat, ɛbé ɛ zezam zokasi é nyel mot'enɔk, nyɛ moo dɛɛ.

⁴³ Bhii tak, Yezu é boozɛswaal mot'enɔk é di tak wat. Tin, nyɛ é boozɛdul nyɛ mɛɔ elyɛɛpe.

⁴⁴ Nyɛ eezɛke nɛ nɛ náá: «Gwaka mɛ ɛnyɔɛpe! Sa wɔ́ ààlɛɛ mot sa dhaa wakɛ. Tó kɛlyaal nyel'ɔ́ pɛ daa bɛghaa-Zɛɛb, da wɔ́ é kɛdjɛ ebuwa e bɛtit dáa Moiiiz nake ɛ, étep elyaal nɛ bot náá, wɔ́ eetsak.»

⁴⁵ Mot'enɔk eezɛtɔ́, nyɛ ààpakadi gwyem. Nyɛ moo lɛɛ nɛ bot egba nɛ egba sa dhanj ɛ. Kɔ ɛsu ɛ tak, ye nabé é, ye naalyɛl nɛ Yezu nyɛ tuula kɔ dɛl. Nyɛ nazokadi é pɛ tɔ kyee bɔs bɛsyɛ di ààbɛ nɛ mɛdii ɛ. Bot nadi edus pɛ ekyee sis, zyɛ pɛ daa lɛ.

2

Yezu eetsik dhiiti mot ɛbé nyel nazesɔɔb ɔ

¹ Ba mɛlu bhii tak, Yezu eezɛbula pɛ Kapɛlnaum. Dáa bot nagwak náá, nyɛ é pɛ ndjanj ɛ,

² wɔ́ gwaa zukamwaa nɛ mot zɛɛɛga kɔ ɛbɛɛɛ. Mɛbu mɛ bot saa-sanjak di ɛɛɛ metel. Bot kum-kumak pɛ ɛbɛ ɛ ndjaa. Tin, Yezu nabé é, elyo bot mɛkpa ɛ Zɛɛb.

³ Bɛdhiiti bot zokazyɛ nɛ mot ngɔt, nyɛ nabé é, nyɛ eezɛɛɔɔb nɛ ɛbé. Bot ɛná é nabyaal nyɛ kɔ mwaala.

⁴ Dáa ɛdhuu ɛ bot nadi ɛbuɛpe, ààbɛ nɛ ze ɛkpaa étep bɛ neekɛnɛɛg nyɛ si mɛko ɛ Yezu ɛ. Wɔ́ gwaa,

bot binək zokazetuu elen kə mii ndjaa, bε eezεsil mwaala mot εbε ε tak.

⁵ Dáa Yezu nabee εdum ε kon ε bot ε nazyε nε mbel tak ɔ, nyε é boozeke nε mot nazesɔɔb ɔ náá: «Mən'am, mesyem mɔ epelel.»

⁶ Bədhiiti bεghan ε məkana mε etsi ε Moiiiz nadi mendiindil tin ɔ, nabε é, bε moo nε bεtε nε esiiza tɔ elyem bɔɔ. Bɔɔ náá:

⁷ «Mot'ak lii deenek étεp yé? Nyε εpebyasal Zεeb, etεε náá, mot tok nε ghwyil εpel mesyem mε sɔ mot, bhii Zεeb nyε εmet.»

⁸ E di tak wat, Yezu naagu esiiza bɔɔ. Nyε é booke náá: «Étεp yé bi di nε mbi yenek egeka?

⁹ Eye di elyel nε nen, εke é nε mbel náá: “Mesyem mɔ epelel”, “ooho” nεghu εke é náá: “Wyela, ghεεa mwaala yɔ, da wɔ é kε”?

¹⁰ Ye goka é bi gu náá, Sεεηele Mən Mot é nε ghwyil εpel mesyem mε bot ε bɔs.» Bhii tak, nyε eezεke nε mot nadi sɔɔba ɔ náá:

¹¹ «Mε ke é náá: Wyela, nɔηa mwaala yɔ, da wɔ é sik pε ndjan'ɔ!»

¹² E di'enek wat, bot djas «dhuuu» nε mis é nyel'ε, mbel eezεwyel, ghεε mwaala yε, zεnɔɔ nyel tó. Bot djas naadyeebadjoka. Bhii tak, bε moo duwal Zεeb é εkeke náá: «Mena dinaa ààpaabee kəkɔ yak sok!»

Yezu eetɔ Levi

¹³ Yezu eebaazεsik mbaka-mbaka nε boo soob na djato-djato Ghalile. Bot mεdhuu-mεdhuu nadi ezyε pε daa lε. Tin, nyεy elelyo bε mεkpa ε Zεeb.

¹⁴ Dáa nyε nadi edhan ε, nyε é boozebee Levi, mən Alfe, ndiindil é di mεsa mε. Nyε nadi é, nɔηel epata e lapo. Yezu eezεke nε nε náá: «Dua mε!» Tin, «ngbat», Levi eezεwyel, nyε eezεdu nyε.

¹⁵ Bhii tak, Yezu eezetó, kede edee pe ndjan ε Levi. E di tak, ye nabe é ne betε ne benɔɲel ε epata e lapo, ne bot ε mesyem, etεε náá, kwaambi bot binɔk nadi edudu nyε εbuεpe. Doo ne bedjikel ε Yezu pe nadi é tin.

¹⁶ Beghan ε mekana me etsi yii eFalizye, nadi ebee dáa nyε nadi dε edee é di wat, be ne bot ε mesyem ne benɔɲel ε epata e lapo ε. Be é boozedji bedjikel be náá: «É tεp yé nyε di dε edee é di wat be ne benɔɲel ε epata e lapo ne bot ε di ne mbee mefulu ɔ?»

¹⁷ Yezu naagwak dáa be nadi elii ε, nyε é boozεke ne noo náá: «Bot ε di menyel εnyɔεpe ɔ, tok ne gwyes ngwomel bot étεp nyε neegwom be. Ye é membεl ε di ne gwyes me gwoma me. Me nabe é àazyε zesaa bot ε epiki. Me nazyε é zesaa bot ε di egu náá, be é bot ε mesyem ɔ.»

Melyo ε Yezu dum ne tεp etsi edee

¹⁸ Dhiiti dwoo, bedjikel ε Zan, be ne eFalizye nadi etsi edee étεp mendjaala. Tin, bot naazεdji Yezu náá: «Étεp yé bedjikel ε Zan ne yii eFalizye di etsi edee, bo kadi é, ààtsi?»

¹⁹ Wɔ gwaa, Yezu zokabooza ne noo náá: «Bi nakobee sok paa náá, besε mwaaz tsi edee é dwoo εbá, dhi be di loog wat ne mwaaz, mot paazyε, zεba moma ɔ? Mam ààbee.

²⁰ Ewala ε tak é waakum, é sok yε aadi náá, mwaaz mot zyε zesaa εbá ɔ aadisaa to loo ɔ. E di tak é be aatsi edee.

²¹ «Ye tok ne mot aanyaa pes bes kaad étεp εkoobal bet kaad ne yε. Wɔ sa deenek ɔɔ, é sok wɔ aagwyii kaad tak ε, bes kaad ε waanyaa bet kaad, da é bek elen ε tak.

²² Ye tok ne mot aawa bes menyok to bheeb na mwa, etee naa, ye wyl o, menyok e ne ghwyil e ebo bheeb, da mot e su menyok, su doo ne bheeb. Aabe! Ye aagoka deenek etee naa, menyok me na bes goka e to ebes e bheeb.»

Seenjele Mon Mot e kukuma dwoo saba

²³ Dhiiti dwoo saba, Yezu be ne bedjekl be nadi edhaa to pyeeb koka mbi bhekbhusa di edjooa ble e. Boo kuku kyeed, bedjekl be nadi ebok mezem me tak enyunal.

²⁴ EFalizye zeke ne ne naa: «Bee etep ee be di esa dwoo saba e, ye aapadjeaa be ze naa, be sa deenek.»

²⁵ Yezu eezebowa ne noo naa: «Bi dinaa aapaalaa daa Dhauid nasa e sok be ne bot be nadi to mezuk, aabe ne sa dek e?

²⁶ Be naani to ndjaa Zeeb, to, kede emapa ee nakanaa Zeeb ye e. E ghen tak, ye e Abiyataad e nadi boo ghaa-Zeeb. Ye nakoozodi naa, etsi lee e naa, mot di egoka ne ede emapa binek o, ye e ghaa-Zeeb. Tin, mekoozi Dhauid naade ye, bhii tak, nye naano yak kyee, dje bot e nadi egyee ne ne o.»

²⁷ Yezu zokabaazeke ne noo naa: «Zeeb nasa dwoo saba e, etep bot, aakabe naa, nye nasa mot e etep saba.

²⁸ Etep tak e Seenjele Mon Mot e di kukuma dwoo saba.»

3

Yezu eetsik mot na sobela mbo dwoo saba

¹ Bhii tak, Yezu eebaazesik to ndjaa mendjaala me eYuda. To tak, ye nadi e, ne dhiiti mot ngot ne mbo sobela.

² Bot moo tinaak «dhuuu» ne mis é nyel ε Yezu egwyak neghu nye waatsik nye é dwoo saba, étep be neepit nye.

³ Yezu eezεke ne mot na mbɔ soobela yenɔk náá: «Wyela, dha! Tyanja tetel kuku εbwak.»

⁴ Nye eezεdji εdhuu ε bot ε nadi tin ɔ: «Tɔ etsi, eyé di egoka ne esael dwoo saba, enem esa “ooho” embee eseseε?» Tin, bot djas moo tinaak «mɔɔɔ», ààbɔɔza nye.

⁵ Yezu eezεbulal mis, gwyák be ne εbuk tɔ lyem, nyel tyak nye «wɔyɔŋ» ne mbi yenek mɛlyel mɛ elyem mɛ bot ε tak. Nye eezεke ne mot tak náá: «Sεεba mbɔ'ɔ.» Nye eezεsεεb mbɔ'ε, wɔ gwaa, mbɔ'ε tak zεsekel bula εnyɔpe.

⁶ EFalizyε eezεwyis tɔ ndjaa mendjaala mɛ eYuda. Tin, be eezεsεεga ne bot ε zεεga mɛkoozi Ellood. Be ne be nɔɔ é boozeni é boob, étep εdjek dɔ́a be aasa étep be neegó nye ε.

Edhuu ε bot eezεdu Yezu

⁷ Yezu ne bedjekel be eezεtɔ mbaka-mbaka ne boo soob na djato-djato Ghalile. Wɔ gwaa, zukamwaa ne mot zεdu nye. Bot ε tak nadudus é pɛ kyee dik Yude ne pɛ Ghalile,

⁸ dɛl ε Yeluzalem, pɛ kyee dik Idhume, pɛ kyee dik yii kyiid dii Yulɔn, zεnɔɔ pɛ kyee dik Tiid ne Sidɔn. Be nadi ezyε mɛdhuu-mɛdhuu etεε náá, be nabε é egwak menduk mɛ sa nye nasa ε.

⁹⁻¹⁰ Dɔ́a nye naadi etsik membel εbuεpe ε, bedhiiti nasuu é, be ghaaga nye é nyel, étep bɔɔ bεmet neemεt nye ne mεmbɔ mɔɔ, be neetsak. Tin, Yezu é boolεε ne bedjekel be náá, be nɔɔ nye dhiiti

elɛɛd ɛtɛp nyɛ neeni tɔ tak, ɛ kaab náá, bot ɛzɛkɛbila nyɛ ɛ nyel.

¹¹ E sok bot ɛ embee esisim nadi edhedhek ɔ, nadi ebee nyɛ ɛ, bɛ nadi ekwyit mɛboŋ si, si mɛko mɛ, ɛ ɛtsim náá: «Wɔ ɛ Mɔn Zɛɛb!»

¹² Yezu ɛ bozɛlyak bɛ ɛlyelɛpe náá, bɛ nàsa náá, bot gu mbi mot nyɛ nadi ɛ.

Yezu eezɛsɛ bot ɛ lwoma yɛ kam nɛ bɛbá

¹³ Bhii tak, Yezu eezɛbyet kɔ ɛtsok. Nyɛ eedjoo bot ɛ nyɛ nasɛɛ ɔ, wɔ gwaa bot ɛ tak zokazyɛ pɛ nyɛ nadi ɛ.

¹⁴ Bhii tak, nyɛ eezɛtɔ tɔ sama yɔɔ bot ɛ lwoma kam nɛ bɛbá yii nyɛ aadi egyee nɛ nɔɔ ɛ, ɛtɛp nyɛ neekyeed bɛ, bɛ kɛlyo bot mɛkpa ɛ Zɛɛb,

¹⁵ dɔɔ nɛ ɛdjɛ bɛ eghɛŋ ɛsɔ embee esisim.

¹⁶ Beeka min mɛ bɛdjekel kam nɛ bɛbá tak ɛ: Simɔŋ, mot Yezu naget Pyɛɛd ɔ,

¹⁷ Zak nɛ mɔn nyɛɛg Zan, bɔɔ djas bɔn Zɛbɛdɛ. Yezu naget bɛ din ɛ «Bhoanɛlghɛs» yɛ kwyɛl ɛlɛɛ ɛ: bot ɛ di dáa ndum bhi ɔ.

¹⁸ Andele, Filip, Bhaatelemi, Matye, Toma, Zak mɔn Alfe, Tade, Simɔŋ mot di tɔ ɛdhuu ɛ ɛZɛlɔt ɔ,

¹⁹ zɛnɔɔ Yudas Iskaliɔt, mot naka Yezu gha ɔ.

Bot ɛ mɛbyɛl ɛ Yezu eetɔ kɛsaa Yezu

²⁰ Bhii tak, Yezu eezɛsik pɛ ndjaa. Wɔ gwaa zukamwaa nɛ mot zɛlwood kɔ ɛbɛsɛɛ, ààbɛ nɛ dáa bɛ nɛ bɛdjekel bɛ dɛ edee.

²¹ Dáa bot ɛ mɛbyɛl mɛ nagwak deenek ɛ, wɔ gwaa, bɛ ghɛɛ, tɔ, kɛsaa nyɛ, bɛ neebula nɛ nɛ ɛtɛɛ náá, tɔ elo bɔɔ, bɛ nadi egek ɛ náá: «Yezu ɛpɛbé myan.»

Mɛbhekel mɛ bɛghaŋ ɛ mɛkana mɛ etsi

²² Bɛghan ɛ mɛkana mɛ etsi nadus pɛ Yeluzalɛm ɔ, moo tin eke pak'ɔɔ náá: «Nwyak é leega nɛ Belzebul, kukuma embee esisim djas.» Bɔɔ náá: «Ye é kukuma embee esisim ɛ di edjɛ kɔkɔ yak mbi mɛbwala mɛ nyɛ di esɔ embee esisim nɛ yɛ ɛ.»

²³ E di'enek, Yezu eezɛdjoo bɛ. Nyɛ eezɛlii nɛ nɔɔ tɔ kana. Nyɛy náá: «Satan é nɛ ghwyil esɔ nyel'ɛ nyɛ ɛmet é?

²⁴ Yɛ bɛ náá, mɛsa mɛ bot ɛ ɛyon ɛ wat é ɛwaya pak'ɔɔ ɔɔ, ɛyon ɛ tak aanàkwaadi.

²⁵ Baabela náá, bɔn bil wat ɛ di egena pak'ɔɔ ɔɔ, bil tak aanàkwaadi.

²⁶ Ye kwyɛl ɛlɛɛ náá, Satan é twak nyel'ɛ nyɛ ɛmet ɔɔ, mɛbɛka'enek tɔ ɛyon ɛ lɛ, tin, nyɛ aanàkwaabaabɛ nɛ ghwyil, ɛsi ɛ lɛ'enek.

²⁷ «Ye tok nɛ mot di nɛ ghwyil ɛni tɔ ndjaa mot mɛnyan, da é nɔɔ esa bɛ, yɛ bɛ náá, nyɛ dinaa àapaamet nyɛ sok, da é kɔl nyɛ mɛmbɔ nɛ mɛko ɔɔ. Tin ɛ, nyɛ aadjala nɛ ɛnɔɔ esa e ndjan'ɛ djas, da nyɛ é wyis, tɔ.

²⁸ Tsɛɛtsɛ nɛ tsɛɛtsɛ, mɛ lɛɛ bin é náá: Mesyem mɛ bot djas é nɛ ghwyil ɛpelaa, ye nakoozodi ebyas djas bɛ byasal Zɛɛb ɛ nɛ mesyem mɔɔ djas.

²⁹ Yɛ kabɛ náá, mot eebyasal Sisim na Dɛɛ ɔɔ, nyɛ aanàkwaapelaa, ɛtɛɛ náá, yenek é syem na kɔm-kɔm.»

³⁰ Yezu nalii nɛ nɔɔ deenek é, ɛtɛɛ náá, bɛ nadi eke náá: «Ye é mbee sisim ɛ di tɔ lɛ.»

Tɛtɛ bot ɛ mɛbyɛl ɛ Yezu

³¹ Nyɛɛg ɛ Yezu nɛ bɔn nyɛɛg eezɛkum, bɛ eezɛtyaa pɛ kel, ààni tɔ ndjaa. Bhii tak, bɛ eezɛlwom mot, nyɛ kɛdjoo Yezu.

³² Etée náá, zukamwaa ne mot nadi é mendiindil nyey kuku ebwak. Wɔ gwaa, be zele ne ne náá: «Nyoog ne bedhyeeb bɔ, zenɔɔ bekel bɔ é pe kel. Be epesaa wɔ.»

³³ Tin, Yezu eezebɔɔza ne nɔɔ náá: «Nyaag'am é ze? Da bɔn nyaag'am é kabε beze?»

³⁴ Wɔ gwaa nyε bulal mis, gwyák εdhuu ε bot binɔk djas. Nyε é booke náá: «Beeka nyaag'am ne bɔn nyεεg bam di wak e.

³⁵ Etée náá, mot di esa ekwosak ε Zeeb ɔ, nyε é di mɔn nyaag'am, kel'am ne nyaag'am.»

4

Kana sɔsel mɛbhek

¹ Bhii tak, wɔ gwaa Yezu baazeni elyo bot mbakambaka ne boo soob na djato-djato Ghalile. Wɔ gwaa zukamwaa ne mot zεεεga tin, nyε é boozeni tɔ dhiiti elεed. Nyε eezεnɔɔ nyel, disi. Elεed nadi é tɔ dii, bot kadi é pe kyiid é ngwoob dii.

² Nyε naalyo be betε ne mɛlyo tɔ ekana. Tɔ dhiiti kana, nyε naake ne nɔɔ náá:

³ «Gwakeka! Dhiiti dwoo mot ngɔt naatɔ pe pyeeb'ε, kεsɔs bhek.

⁴ Dáa nyε nadi esɔs bhek ε, kyee bhek wat nakwyit é, é gba, wɔ gwaa, enen zokazyε, zεdε yε.

⁵ Yak kyee bhek kakwyit é, kɔ bat ekok. Aàkobɔya deenek, mɛbhek eezεkwyil etée náá, di tak nadi é, ne ba bim ebɔs.

⁶ Bhii tak, gwyεs na “ghε-ghε” zεkεεza kɔ mɛbhek menek, wɔ gwaa djas zεsyee etée náá, ekanal e tak nabε é ààni tɔ bɔs εdimεpe.

⁷ Dhiiti kyee bhek nakwyit é tɔ engwyinini. Engwyinini binek wyee, kala kɔ mbεε mɛbhek, ààbε

nε dáa mεbhek wyee enyɔɛpe. Mεbhek kadi é, ààwum.

⁸ Tin, dhiiti kyee bhek nakwyit kɔ mbεε bɔs ɔ, naakwyil enyɔɛpe, wɔ gwaa, ye kwyil mεzεm. E kwos wat, bhum mεkam-mεlɛl, é yak kwos bhum mεkam-mεtɛn nε wat, é dhiiti kwos bhum dhɛt.»

⁹ Bhii tak, Yezu zεke nε nɔɔ náá: «Yε bε náá, bi é nε mεlɔ mε εgwak ɔɔ, gwakeka enyɔɛpe!»

Etepyé Yezu di elyo tɔ ekana?

¹⁰ E sok bε nadi bε nε Yezu bɔɔ bε εmet ε, bot ε nadi egyee nε Yezu ɔ, zεnɔɔ bɛdjekel bε kam nε bεbá, naazɛdji nyε εsuk ε ekana binek.

¹¹ Wɔ gwaa, nyε zεbɔɔza nε nɔɔ náá: «Biɔ, bi eezedjeaa etsonj εgu ε εsuk ε Eyonj ε Zεεb. Yε kabε bεsɔ bin ɔ, bε gwak yε ε tɔ ekana.

¹² Deenek,

“Bε é nε ghwyil εgwyák nε mis, ààbee.

Bε é nε ghwyil εgwak nε mεlɔ, ààmet sa ye di ekwyɛl
ɛlɛɛ ε,

é kaab náá, bε é zεkεbula dum konj nε Zεεb,
da bε é bela εpelak ε Zεεb!”»

Yezu moo lεε εsuk ε kana tak

¹³ Bhii tak, nyε eebaazεke nε nɔɔ náá: «Bi ààtiibal εsuk ε kana yak enyɔɛpe? “Aah” bi aagwak εsuk ε bak bɛdhiiti ekana dáa? Gwakeka εsuk ε tak:

¹⁴ Sɔsɛl mεbhek kεsɔs é mεkpa ε Zεεb.

¹⁵ Bɛdhiiti bot é dáa mεbhek mε di é ngwoob egba é di mεkpa ε Zεεb kwyit ɔ. Nε εgwak ε bε zogwak ε, Satan eeleezye, zεnɔɔ bε mεkpa mε tak tɔ ebhum elyem bɔɔ.

¹⁶ Tin, ye é nε kyee bot ε di dáa mεbhek kwyit kɔ bat εkok ɔ. Dáa bε gwak mεkpa ε Zεεb ε, wɔ gwaa, bε myaal nε mεmyaala djas.

17 Tin, be ààbet náá, mekpa me tak gheeni be enyɔɔpe to ebhum elyem, be ààwa zii ebuɛpe. Tin, mezuk ne metiiga é tuula be ko esu e mekpa e Zeeb ɔɔ, eliig e loo Zeeb kon ààbɔya.

18 Bedhiiti to loo gwak mekpa e Zeeb é dāa kyee bhek nakwyit to engwyinini ε. Ye é bot ε di egwak mekpa e Zeeb ɔ,

19 tin, esiiza esa e bɔs'ak, ewyeeb e mevu, ne egwyee e esonok mbes é di enyal mekpa e Zeeb to elyem bɔɔ. Tin, ye kadi é, ààdjɛ bhum.

20 Bedhiiti bot kadi é dāa mebhhek me kwyit ko mbeɛ bɔs ɔ. Ye é bot ε di egwak mekpa e Zeeb, myaal ye ne lyem wat, da be é ke dāa Zeeb di ekwyel ε. Tin, be waadjɛ bhum ebuɛpe, yak mekam-meɛɛl, yak tak mekam-meten ne wat, yak dhet.»

Kana lama

21 Wɔ gwaa, Yezu baazeke ne nɔɔ náá: «Mot é ne ghwyil zye ne lama, da nye é butal si bhwa, neghu enɔɔ ye, da é wa pe si gon e? Ye neegaa é pe ko teeg, etsal é?

22 Ye tok ne sa esɔ aadi àànyen é mwos dwoɔ. Esa e mesɔ djas aadi é, nyen é gwyɛ.

23 Beɛka meɔ min, ye be náá, bi é ne meɔ me egwak ɔɔ, gwakeka enyɔɔpe!»

24 Bhis yenek, Yezu baazeke ne nɔɔ náá: «Dika ne etson dum ne éteɔ djas me di elɛɛ bin ε! Dāa bi di edum kon ne Zeeb ε, é di tak wat, nye waabil bin egu. Nye aalwoodal bhwan'en ε dāa bi di elwoodal bhwa bɛsɔ bin ε. Tin, nye waalwoodal bin ye ebuɛpe.

25 Etɛɛ náá, ye é mot aadi ne ba bim sonok ɔ, be aabil nye dhiiti. Ye kabe mot di ààbe ne sonok ɔ, nye

aanàkwaabela sonok. Ba bim nyε aadi nε yε ε, yε waadekaa djas.»

Kana bhek di ekwyil nyε εmet ε

²⁶ Wɔ gwaa, Yezu baazeke náá: «Beeka sa di enɔŋel nε Eyon ε Zεεb ε: dhiiti mot zokakεmwam mεbhek é bɔs.

²⁷ Bhii tak, nyε eezεsik. Nyε nakoozodja gɔ é pum, nεghu nyε kadi é dwooz, mεbhek εpekwyil nε εwyee tɔ pyeeb. Nyεy ààgu dáa di esεε penek ε.

²⁸ Kabela tin ε, mbεε bɔs ε di esa náá, mεbhek menek kwyil nε εwyee εnyɔεpe. Kan εtuu ε bɔs, zyε, kum le, bhii tak zεdje mεzεm mε na bes, batadje bhum mεbhisa.

²⁹ Tin, é di yε aakabε náá, bhisa eezεsɔk ε, nyε kazyε é nε εlando, zεkan mεsa mε εdis bhisa tak.»

Kana mɔɔ bhek na sikε-sikε di edjɔɔaa mutaad ε

³⁰ Wɔ gwaa, Yezu baazeke náá: «Eyon ε Zεεb aakɔa nε yaa mbi sa? Tɔ yaa kana mena aadjala nε εtel Eyon ε Zεεb?

³¹ Eyon ε Zεεb é dáa bhek le di edje bhum di edjɔɔaa mutaad ε. E sok bε di ebε yε tɔ bɔs ε, nyε eedhaa mεbhek djas kɔ bɔs nε metɔɔl.

³² Tin, yε bε náá, nyε eebεaa ɔɔ, nyε waakwyil, mεwyee mε é dhaa ele ee di tɔ mɔɔ bok ε djas. Nyε waakwyil boo elεε djala náá, enen lóo mεk mɔɔ kɔ ebhuuz e tak.»

³³ Deenek, yε é tɔ kɔkɔ mbi ekana binek ε Yezu nadi lelyo bot. Nyε nalelεε bε, yii baadjala nε εmet εsuk ε tak ε.

³⁴ Nyε nabε é ààlii nε bot, ààbε nε kana tɔ sa nyε di ekwyel elεε ε. Yε kabε é sok nyε nadi bε nε bedjekel

bε, bɔɔ bε ɛmet ɛ, nyε nadi elɛɛ bε mɛsuk mɛ ekana binek djas.

Yezu eezɛlyak ghuu

³⁵ Bikoko dwoo tak wat, Yezu eezɛke nε bɛdjekel bε náá: «Djhoosɛɛka pɛ yii kyiid boo soob na djato-djato.»

³⁶ Bε eezɛlik ɛdhuu ɛ bot binɔk, bɛdjekel eezɛtɔ sama wat nε Yezu tɔ boo elɛɛd. Tin, bɛdhiiti mɛɛɛd nadi é, é ngwoob'ɔɔ.

³⁷ Aàbɔya deenek, kasɛka é boo ghuu ɛlyɛɛpe eezɛkan, ghulal tak eeghɛɛ ɛbhyyeb ɛ mɛdii kɛɛza é elɛɛd, elɛɛd moo tin eni mɛdii, kɛsa yɛ aalwood-lwooda.

³⁸ Yezu, pɛ ɛsik ɛ elɛɛd, nyε nadi é, é gɔ, lo kɔ boola. Bɛdjekel bε zokazɛdjem nyε nε etsim. Bɔɔ náá: «Lyoel, mena é di esikaa. Yɛ ààgwyák wɔy é?»

³⁹ Tin, Yezu eezɛdjem. Bhii tak, nyε eezɛlyak ghuu. Nyɛy nε dii náá: «Sila ghulal'ɔ. Día gwyem!» E di'enek, ghuu eezɛsila, bhwak moo tin «kup».

⁴⁰ Bhii tak, Yezu eezɛke nε bɛdjekel bε náá: «Étɛp yé bi di nε kɛɲ? Bi ààdum kɔɲ nε Zɛɛb é?»

⁴¹ Ye nabe é, bwoo naasa bε ɛlyɛɛpe, bε moo djinɛl pak'ɔɔ náá: «Nwyak é nwyaa kwaambi mot di náá, dɔɔ nε ghuu nε boo soob na djato-djato ɛpegwak nyɛ'aak?»

5

Yezu eetsik dhiiti mot nadi nε mbee sisim ɔ

¹ Yezu bε nε bɛdjekel bε eezɛsɛɛ pɛ yii kyiid boo soob na djato-djato Ghalile tɔ pɛ kyee dik Ghadasa.

² Dáa nyε nadi esul tɔ elɛɛd ε, kasɛka é dhiiti mot edus tɔ mɛvit, ezyε esaa tyee nyε aaboma nε nε. Embee esisim nadi edhek mot tak.

³ Mot tak nadidi é tɔ mɛvit. Nyε nabε é ààbε nε mot aakwak εmɛt nyε, étɛp bε neekəl nyε nε ekel e ghwooz.

⁴ Etɛɛ náá, sok, ye nabε é, nyε eewaaa mɛko é mbwak nε ekɔlaa nyε mɛmbɔ nε eghwooz, nyεy zokabwak mbwak, dɔɔ nε bwak eghwooz. Ye tok nε mot aakwak εmɛt nyε.

⁵ Mɛlu djas, mwos nε pum nyε nadidi é tɔ mɛvit nε kɔ mɛtsok, é tsitsim nε εbaal ε nyel'ε nyε εmɛt nε mɛkok.

⁶ Etsetaεpe nyε nadi é, nyε eezεbee Yezu, wɔ gwaa, nyε sum kaab, zεghaaga si, si mɛko mε mɛbon si.

⁷ Nyε eezɛtsim εlyelɛpe náá: «Mε sa wɔ yé, Yezu, Mɔn Zεɛb Mɛkaake? Mε εpedjaala nε nɔ nε din ε Zεɛb, nàtwaka mε!»

⁸ Nyε nadi eke deenek é, etɛɛ náá, ye nabε é, Yezu naake náá: «Mbee sisim, wyisa tɔ mot'ak!»

⁹ Wɔ gwaa, Yezu zokazɛdji nyε: «Din ε lɔ ε yé?» Nyε eezεbɔɔza nε nε náá: «Din ε lam é “Mɛkɔm-mɛkɔm” etɛɛ náá, bis nε bu.»

¹⁰ Tin, nyε eezɛdjaala nε Yezu εlyelɛpe náá: «Nàɔ bis εtsetaεpe nε kyee dik'ak!»

¹¹ E di tak, ye nabε é nε boo εsaŋ ε bεghwyee nadi egɔɔ kɔ mɛtsok menek ε.

¹² Embee esisim eezɛdjaala nε Yezu, bɔɔ nε nε náá: «Kyeeda bis tɔ bεghwyee bak. Lɛɛa náá, bis ni tɔ mɛnyel mɔɔ!»

¹³ Yezu zokazεmyaal bε yε ε. Tin, wɔ gwaa, bε zεwyis tɔ mot'enɔk, ni tɔ εsaŋ ε bεghwyee binɔk. Bε nadi é, εbuεpe tyee bεghwyee bɛmil εbá. Bɔɔ djas

zesul etsok pe be nadi é, ne ekaab. Wɔ gwaa, be zeges, keghaaga tɔ dii. Bɔɔ djas si na «bheee».

¹⁴ Bot ε nadi ebee edjema binek djas ɔ, zokasik ne ekaab, kelee bot kɔ del ne tɔ epyeeb. Tin, wɔ gwaa, beε ne bot zokazyε, zεbee sa nasael ε.

¹⁵ Be eezεkum pe kyee Yezu nadi ε. Tin, bɔɔ zokazεbee mot embee esisim mekɔm-mekɔm nadi edhedhek ɔ, ndiindil ne ekaad é nyel. Nyε nabe é nyel enyɔpe. Wɔ gwaa, bwoo zemεt bɔɔ djas.

¹⁶ Bot ε nabee edjema binek djas ɔ, moo tin ebanɔ bot dɔa mot na embee esisim mekɔm-mekɔm natsak ε, ne dɔa beghwyee nakεghaaga tɔ dii ε.

¹⁷ Etεp tak, be é boozεdjaala ne Yezu, bɔɔ ne ne nɔa: «Dusa kɔ kyee dik'es. Tɔa pe kyee sis.»

¹⁸ E ghen Yezu nadi eni tɔ boo elεd ε, wɔ gwaa mot embee esisim nadi edhedhek ɔ zeke ne ne nɔa: «Mε kwyel ε, mε di sama wat ne nɔ.»

¹⁹ Tin, ye kabε Yezu ɔɔ, nyε nabe aakwyel. Nyε é booke ne ne nɔa: «Sika pe ndjan'ɔ, pe daa bot bɔ, da wɔ é lee be enεm ne embεε Ghen sa dum ne tsik'ɔ ε, ne dɔa nyε gek wɔ ghen ε.»

²⁰ Mot'enɔk eezεtɔ, nyε moo tin ekεlee kɔ eghaada kam nadi pe kyee dik'enek ε, dɔa Yezu natsik nyε ε. Bot djas nadi egwak nyε ɔ naadyeebadjoka.

Etsak ε mɔn Zayilus ne moma nadi ne εbε ε ghiya ɔ

²¹ Yezu eezεbula pe yii kyiid dii tɔ elεd, wɔ gwaa, zukamwaa ne mot baazεseεga é ngwoob'ε. Tin, nyε nadi é, é ngwoob boo soob na djato-djato.

²² E di'enek, ye nabe é ne dhiiti kukuma ndjaa mendjaala mε eYuda, din ε le nabe é Yayilus. Dɔa nyε nabee Yezu ε, nyε eezεkwyit mebon si, si meko me

23 é djaala ne ne, é basal náá: «Mɔn esyes e lam epebé elyelepe. Mendjaala mam é náá, wɔ zye zekel membɔ kɔ lé étep nye neetsak, da nye é baadi ne tsik kɔ bɔs!»

24 Yezu eezetó be ne ne, zukamwaa ne mot é du nye, bak é tuma nye é nyel ne etiidal nye.

25 Tɔ edhuu e bot binɔk, ye nabe é ne dhiiti moma ghiya nadi ekekɛk nye é nyel boa, ààbe ne etsek ɔ, ebé e tak naasa ne ne tyee membu kam ne ebá.

26 Ye nabela é, nye naazekɛ ne ebé e tak tɔ mendjaa me megwoma ebuɛpe, epata si nye «pum», nyeɣ ààtsak. Yenek djas nakɛgheghɛɛ nye ebé e ghɛɛa.

27 Dáa moma yenɔk zegwak mendukɛ Yezu e, nye eezɛni tɔ edhuu e bot binɔk, nye moo du Yezu bhii kon, nye eezɛmɛt kyee eghɔ e kaad e Yezu wat

28 etɛɛ náá, nye nabe é, nye naake tɔ lyem'e náá: «Me zomɛt kaad'e ɔɔ, me epetsak!»

29 Tin, mɛta nye zomɛt e, é di tak wat, nye eezɛbee náá, nye eetsak. Ghiya eezɛkat ekwyil nye. Nye moo é ne nyel enyɔɛpe.

30 E di'enek wat, Yezu zegu náá, dhiiti mɛbwala eewyis tɔ lɛ. Nye eezɛliigel tɔ edhuu e bot binɔk, wɔ gwaa, nye dji be náá: «Ezɛ mɛt me é kaad?»

31 Bɛdjekɛl be zokabɔɔza ne ne náá: «Wɔ eebee yak kwaambi zukamwaa ne mot di etiidal wɔ'aak, bɛdhiiti é tuma wɔ é nyel'aak, da wɔ é baadji náá: “Ezɛ mɛt me é kaad?”»

32 Tin, Yezu eezɛliig mis, nye moo gwyák é ngwoob'e, étep nye neebɛɛ mot sa deenek ɔ.

33 Moma tak «gbegbagba» ne bwoo, étep nye nadi egu sa nye nasa e. Nye eezɛkwyit mɛbon si, si mɛko e Yezu, nye eezɛmyaal. Bhii tak, nye eelɛɛ dáa ye nasael e, djas.

³⁴ Wɔ gwaa, Yezu zεbɔɔza nε nε nάά: «Esyes ε lam, εdum ε koη ε lɔ nε Zεεb eetsik wɔ. Tɔa enyɔεpe, wɔ eezetsak.»

³⁵ Tinaak, Yezu dinaa elii, bot eezεdus pε ndjan ε kukuma ndjaa mendjaala mε eYuda, zελεε Yayilus nάά: «Esyes ε lɔ eezεpekα, nākabaadhek lyoel.»

³⁶ Yezu nabe ààbis sa bε nadi elii ε. Nyε é boozεke nε kukuma ndjaa mendjaala nάά: «Nàbem ba. Duma koη nε Zεεb!»

³⁷ Tin, nyε eezεlu bot djas nάά, bε nàdu nyε. Nyε nató é, bε nε Pyεed, nε Zak bε nε mɔn nyεεg Zan.

³⁸ Bε eezεkum pε daa kukuma ndjaa mendjaala mε eYuda, bela tin bhwak metetel nε mεgwyε, nε etanal nε etsim.

³⁹ Nyε eezεni tɔ ndjaa. Bhii tak, nyε eezεke nε nɔɔ nάά: «Yak é yaa kwaambi etap nε mεgwyε? Mɔn ààpagwyε. Nyε é, é gɔ.»

⁴⁰ Wɔ gwaa, bot gɔ nyε. Nyε eezεwyisal bot djas pε kel. Nyε nakalik tɔ ndjan é, bε nε sεεg, nε nyεεg mɔn, zenɔɔ bedjekel bε. Bε eezεni tɔ dhen mɔn tak nadi ε.

⁴¹ Nyε eezεmet nyε é mbɔ, nyε é booke nε nε nάά: «*Talita kumi!*» Ye kwyεl ελεε é nάά: «Mɔn moma! Mε λεε wɔ é, wyεla!»

⁴² E di tak wat, mɔn moma yenɔk eezεwyεl, nyε moo kε. Nyε nabe é nε membu tyee kam nε ebά. Tin, ye nabe é, bot naadyeebadjoka elyεεpe.

⁴³ Yezu eezεlyak bε nάά, bε nàλεε bot. Bhii tak nyε é boolwom bε nάά, bε djε mɔn tak edee e dek.

6

Bot ε Nazaret àdmyaal Yezu

¹ Yezu eezɛdus pɛ nyɛ nadi ɛ, nyɛ eezɛtɔ sama wat bɛ nɛ bɛdjekɛl bɛ pɛ Nazalet ghaada nyɛ nawyee kɔ tak ɛ.

² Dwoo saba, nyɛ nadi elyo bot tɔ ndjaa mendjaala mɛ eYuda. Zukamwaa nɛ mot nadi tin ɔ naadyeebadjoka ɛbuɛpɛ. Bɔɔ ekeke náá: «Yak é yaa kwaambi elyo ɛ bot? Ɛzɛ djɛ nyɛ mbi yak etson nɛ endem e mɛbwala mɛ nyɛ di nɛ yɛ'aak?

³ Ye tok nyɛy di salpande, mɔn Maali, mɔn nyɛɛg ɛ Zak bɛ nɛ Yozɛs, nɛ Yude, zɛnɔɔ Simɔn é? Bɛkɛl tok wak mena nɛ bɛ nɔɔ?» Yenɛk djas naasa náá, nyɛ di tyee boo ɛbɛk dum nɛ nɔɔ.

⁴ Wɔ gwaa, Yezu zɛbɔɔza nɛ nɔɔ náá: «Ngooelɛ-mɛkpa ɛ Zɛɛb dyeebaduwalaa é, pɛ kyee sis, ààbɛ pɛ kɔ dɛl ɛ nyɛ nabyel kɔ tak ɛ, nɛghu tɔ ndjan'ɛ nɛ tɔ bil'ɛ.»

⁵ Tin, nyɛ nabɛ é ààsa dhiiti ndem mɛbwala, bhii nyɛ nazokɛl bɛdhiiti membɛl membɔ da bɛ é tsak ɛ.

⁶ Nyɛ nadi edjoka dáa bot ɛ dɛl ɛ lɛ nadi ààdum kon nɛ nɛ ɛ.

Lwomɛl bɛdjekɛl bɛ kam nɛ bɛbá

Bhii tak, Yezu naazɛkɛ elyo bot mɛkpa ɛ Zɛɛb kɔ mɛl mɛ nadi é ngwoob dɛl ɛ lɛ ɛ.

⁷ Nyɛ eezɛdjoo bɛdjekɛl bɛ kam nɛ bɛbá, nyɛ eezɛkyeed bɛ bɛbá-bɛbá. Wɔ gwaa, nyɛ zɛdjɛ bɛ eghɛn kɔ embɛɛ esisim.

⁸ Nyɛ eezɛdjɛ bɛ tsi náá: «Sa mot àànɔɔ sonok wat, nyɛ neetɔ nɛ yɛ mɛdjon. Bi zotɔ é, nɛ sek. Sa mot àànɔɔ mapa, àànɔɔ ɛkoo, àànɔɔ-nɔɔjak meea tɔ mengwyɛ mɛn.

⁹ Bɔtka bɛmɛpapa. Sa mot àànɔɔ dhiiti kuwa étɛp ɛkɛswoola penɛk.»

¹⁰ Nyε eebaazeke ne nɔɔ náá: «Bi é kum dhiiti di ɔɔ, dika tɔ ndjaa bi aasulal ε. Dika é di'enek kekum dwoɔ bi aadus tin ε.

¹¹ Bot ε del επεε náá, bi nàsulal pe daa lɔɔ ɔ, neghu be kapεε egwak bin ɔ, kpaaka yebɔ, da bi é kut be piib di é meko min ε. Ye aadi é, tyee mwana étep embee esesεε bɔɔ.»

¹² Bedjekel eezetɔ, kegoola ne bot djas náá, be liig elyem.

¹³ Bɔɔ zokasɔ betε ne embee esisim. Betε ne membél naatsak, bhii be nadi elɔɔb be mul ε.

Esyee ε Zan̄ Nduuel-bot

¹⁴ Ghuna ye nabe é, Mekoozi Ellood naagwak menduk ε Yezu etεε náá, dék'e nabe é, ye eezedjala mɛl djas. Bedhiiti bot nadi ekeke é náá: «Zan̄ Nduuel-bot naagwyε, gom. Etep tak é nyε di esa betε ne yenek endem e mɛbwala.»

¹⁵ Bak náá: «Ye é ngoolel-mekpa ε Zεεb, Eli!» Yak kyee bot náá: «Ye é ngoolel-mekpa ε Zεεb, dáa dhiiti ngoolel-mekpa ε Zεεb na mwa!»

¹⁶ Dáa Ellood nagwak sa bot nadi elii-lii kɔ εsu ε Yezu ε, nyε é boozεke náá: «Ye be Zan̄ ɔɔ, ye nabe é, me naazelwom náá, nyε tsakaa, nyεy é baagom!»

¹⁷ Ne tsetse ye nabe é, Ellood naalwom náá, be met Zan̄ kɔl nyε é membok kɔ εsu ε Helodhiaad, mwaa tel, Filip, nyε nadek ɔ.

¹⁸ Etεε náá, Zan̄ naake ne Ellood náá: «Ye ààgoka náá, wɔ dek mwaa mɔn nyoog!»

¹⁹ Helodhiaad nadi ebhina Zan̄ elyelepe. Nyε nadi esaa dáa nyε aasa étep nyε neego nyε. Tin, nyε nabe é, ààbela ghwyil εsa.

²⁰ Ellood nadi ekaab Zan̄, etεε náá, nyε nadi egu náá, Zan̄ nadi é mot edεε ne epiki. Nyε nabe

ààkwyel náá, nyε góaa. Nyε nadi ekwe-kwyel εgwak mɛlyo mε εbuεpe, ye nakoozodi náá, mɛlyo mε tak naadyeebadhedheeg nyε mεsel εbuεpe.

²¹ Tinaak, dwoo εbyon ε Ellood di eduwal dwoo εbyel ε lε ε, ye nabe nε Helodhiaad é mβεε εwala étεp nyε neesa sa lyem'ε nadi ekwos esa ε. Ye nabe é, Ellood naadjóo bεtε nε ekukuma di esa mεsa bε nε nɔɔ ɔ, nε ekukuma e esodja bε, nε boo betson ε bot ε kyee dik Ghalile, bε zεdε pε daa lε.

²² Tin, εsyεs ε Helodhiaad eezetuula kuku εbwak, tɔ koo ndjaa é di bot nadi edε ɔ. Bhii tak, nyε moo bɔl é mis ε Ellood. Ye nabe é, Ellood nε bεdjon bε naadyeebamyaa nε ko zεn tak εbuεpe. Tinaak, Mεkoozi Ellood é boozεke nε εsyεs ε moma tak náá: «Waaba sa lyem'ɔ kwyel ε, mε waadjε wɔ.»

²³ Nyε nake nε nε deenek ε, nε tseetse nε lyem wat: «Mε eetuwal myon nε mεson mam! Sa wɔ waawaab ε, mε waadjε wɔ, ye nakoozodi pes εyon ε lam.»

²⁴ εsyεs elenɔk eezεwyis, kεdji nyεεg: «Mε waab yé?» Wɔ gwaa, nyεεg zεbɔɔza náá: «Waaba lo ε Zan Nduuel-bot.»

²⁵ εsyεs eezεsik kaab pε daa Mεkoozi Ellood. Nyε eezεke nε nε náá: «Mε kwyel é, wɔ djε mε nenak yak lo ε Zan Nduuel-bot kεla kɔ pεt kongo na pyaaz!»

²⁶ Wɔ gwaa, ye sa Mεkoozi Ellood nyel «wɔyon» nε ghon. Tin nyε nabe é ààbε nε dǎa nyε pεε, etεε náá, nyε naazetuwal myon nε mεson mε é mis mε bεdjon.

²⁷ Tin, nyε eezelwom sodja di ebaal nyε ɔ, nyε tsaal lo ε Zan Nduuel-bot, da nyε é zyε nε yε. E di'enek, sodja é boozetɔ pε ndjaa membok, kεtsaal lo ε Zan Nduuel-bot.

28 Wɔ gwaa, nyɛ zyɛ nɛ lo tak kɔ pɛt kongo, nyɛ eezɛdjɛ esyɛs ɛ moma yenɔk, esyɛs ɛ tak ɛ boonɔɔ yɛ, kɛdjɛ nɛ nyɛɛg.

29 Dáa bɛdjekɛl ɛ Zan nagwak deenɛk ɛ, bɛ ɛ boozɛnɔɔ muu'ɛ, kɛdel.

Yezu eezɛdjɛ botom bɛmil ɛtɛn edee

30 Bhis ɛbula ɛ lɔɔ, bot ɛ lwoma eezɛboma pɛ daa Yezu, bɛ moo banja nyɛ esesɛɛ ee bɛ nasa ɛ, nɛ mɛlyo mɛ bɛ nadi elyo ɛ djas.

31 Tinaak, bot ɛ nadi ezyɛ, nɛ bot ɛ nadi esik ɔ naadyeebabu, ààbɛ nɛ ɛwala di náá, bɛ nɛ bɛdjekɛl bɛ dɛ edee. Yezu ɛ boozɛke nɛ bɛdjekɛl bɛ náá: «Djhooka, mena tóka pɛ kasak di etseta nɛ bot ɛ, ɛtɛp mena neekɛwalaka batsa.»

32 Bɛ eezɛtɔ tɔ elɛɛd, bɔɔ bɛ ɛmet, pɛ bot di ààbɛ ɛ.

33 Ghuna bot ɛbuɛpɛ naabee ze bɛ nadi etɔ ɛ. Tin, pɛ bɛ nadi etɔ ɛ nadi eguaa, bhwak djas zɛsum kaab ɛ etɔ pɛ kyee Yezu nɛ bɛdjekɛl bɛ nadi etɔ ɛ, bɔɔ batakekum ɛ di tak ɛsok nɛ Yezu bɛ nɛ bɛdjekɛl bɛ.

34 Dáa Yezu nasul tɔ elɛɛd ɛ, nyɛ naabee ɛdhuu ɛ bot binɔk, wɔ gwaa, ghon zɛmɛt nyɛ elyɛlɛpɛ, etɛɛ náá, bɛ nadi ɛ, dáa mɛsaa mɛ ebhata di ààbɛ nɛ mbaalel ɛ. Tin, nyɛ moo zɛlyo bɛ kɔ ɛsu ɛ bɛtɛ nɛ esonok.

35 Dáa bɛ nabee náá, dwoo moo ɛ bikoko ɛ, bɛdjekɛl bɛ ɛ boozɛtiila pɛ daa lɛ. Bɔɔ nɛ nɛ náá: «Dwoo eezeleega, tɔ kakon'ak, ye tok nɛ dɛl.

36 Swaala bot bak pɛ bɔɔ mɛl nɛ pɛ tɔ epɛt ee di ɛ engwoob'aak, bɛ neekɛbɔm edee e dek!»

37 Tin, wɔ gwaa Yezu zɛbɔɔza nɛ nɔɔ náá: «Djeka bɛ edee biyɔ bɛ ɛmet!» Bhii tak bɛ eezɛdji nyɛ

náá: «Bis tok nε bεtε nε epata ee bis aabɔm emapa aadjala nε dek bot bak djas ε*»

³⁸ Nyε é boobaazeɓɔza nε nɔɔ náá: «Bi é nε emapa edhen? Pookokεgwyákeka.» Bhii bε kakεgwyák ε, bε é boozεlεε nyε náá: «Emapa eten nε bεsu εbá.»

³⁹ Tin, Yezu é boozεlεε bεdjekel bε náá, bε dil bot djas mendiindil, mεbwak nε mεbwak kɔ ebes eka.

⁴⁰ Wɔ gwaa, bot zεdisi zεega lɔɔg bot dhēt, bak mεkam-mεten.

⁴¹ Bhii tak, Yezu eezεnɔɔ emapa nε bεsu binek, nyε eezεben mis pε εko, zεghaapεε Zεεb. Nyε eezεpyak mapa, nɔɔ, djε bεdjekel bε etεε náá, bε needjε bot ε bε nanεεg mendiindil ɔ, dɔɔ nε bεsu εbá bε nadi nε yε ε.

⁴² Mot nε mot naadε, djil.

⁴³ Bεdjekel bula nε mεbhebhwak mε emapa nε bεsu é nalik ε, sa yε aalwoodal mεbhwaak kam nε ebá.

⁴⁴ Tɔ bot ε nadε emapa ee nabilel'enek ɔ, botom nadi é, bεmil eten (5 000).

Yezu eezεkε kɔ dii

⁴⁵ Aàkobɔya bhii tak'enek, Yezu eezεbesal bεdjekel bε, bε ni tɔ elεεd, da bε é tsaal, tɔ pε yii kyiid boo soob, pε kyee ghaada Bhεtsaida. E di tak wat, nyey nyε emet eezεswaal zukamwaa nε bot binɔk, bε sik pε yɔbɔ.

⁴⁶ Bhii nyε nasilal εswaal bε ε, nyε eezεbyet kɔ etsook, kεdjaala Zεεb.

* **6:37** Pε tɔ mεkana mε Biblia nakwyalaa tɔ tak sok ε, bε ke é 200 deniye. Ye kwyεl εlyaal é efute mesa mε bengon eten nε ebá.

⁴⁷ Dáa egwyitok nabe, ye moo gwyiidela ε, elɛɛd nabe é ye moo kuku dii. Tin, Yezu nalik ε nye emet pɛ kyiid.

⁴⁸ Dáa nye nabee náá, bɛdjekel bɛ nadi ezuk é ɛduk, etɛɛ náá, pup nadi bulal bɛ pɛ bhis ɛlyɛɛpe ε. Tin, é pum dum nɛ mɛlem, nye é boozɛdu bɛ é kɛ kɔ dii nɛ mɛko, ye nabe é, nye naawaadhaa bɛ.

⁴⁹ Dáa bɛ nabee nye é kɛ kɔ dii ε, bɛdjekel nagu é náá, ye é dim. Bɛ moo tin é tsim.

⁵⁰ Etɛɛ náá, dáa bɔɔ djas nabee nye é, bɛbɛbwol naamɛt bɛ. Batsa deenek, nye moo lii nɛ nɔɔ. Nyɛy náá: «Dika nɛ mɛghaaz. Ye é mam! Nàdika nɛ bwoo.»

⁵¹ Bhii tak, nye eezɛni tɔ elɛɛd. Tin, pup eezɛtyaala. Bɔ djas naadyeebadjoka ɛlyɛɛpe.

⁵² Ye nabe é, bɔɔ àànyɔ emet ɛsuk ε mɛvɛkɛlɛ mɛ nasael dum nɛ ɛbil ε emapa ε. Etɛɛ náá, bɛ nadi é, nɛ ɛlyem e mɛso.

Etsak ε bot ε mɛbɛ pɛ Ghenezalet

⁵³ Bhii bɛ nasɛɛ dii ε, bɛ eezɛsel é ɛboŋ ε Ghenezalet.

⁵⁴ Dáa bɛ nawyis tɔ elɛɛd ε, ààkobɔya deenek, bot eezɛgwyak Yezu.

⁵⁵ Tin, bot eezɛtɔ kɔ mɛl djas, nɛ é di djas kɛnɔɔ membel. Bɛ nadidi ebe-bɛp bɛ é, kɔ emwaala, tɔ é di djas bot nagwak lɛŋ ɛkwyil ε lɛ ɔ.

⁵⁶ E di djas bɛ nadi etɔ é, kɔ mɛl, kɔ eghaada nɛ epɛt, bɛ nadi ezyɛ nɛ membel é di bot djas di esɛɛga ɔ. Bɛ nadi edjedjaala nɛ nɛ náá, nye bet bɛ, bɔɔ bɛ emet zokee-keeak ɛɔ ε ndjookuwa ye pɛ si. Tin, bot djas namɛt nye ɔ, naatsak.

7

Melyo me bebhaab nalik ε

¹ Dhiiti dwoo eFalizye ne begħan ε mekana me etsi naadus pe Yeluzalem, bɔɔ zokazeεεga be ne Yezu,

² ye nabe é, be naabee bedhiiti bedjekel ε Yezu nadi ede edee, ààgwyii membo dāa etsi di elyaal ε.

³ Eteε nāá, eFalizye ne bot ε mbyak eYuda djas nadi ebaal etsi e bebhaab bɔɔ nalik ε εbuεpe: be ààde edee, ààgwyii membo enyɔεpe.

⁴ Zenɔɔ nāá, be dus pe ndjando ɔɔ, be aanàkwaade edee, ààgwyia. Be nadi eduwal beε ne bedhiiti etsi e mbyak'ɔɔ, dāa van mbi egwyii ebεεε, ne ba bɔɔ mebbe me dyak, zenɔɔ esaan.

⁵ Wɔ gwaa, eFalizye ne begħan ε mekana me etsi zεdji Yezu nāá: «Éteε yé bedjekel bɔ di àasa dāa etsi e bebhaab binaka nalik ε, di elεε ε? Be de ààgwyii membo mɔɔ!»

⁶ Yezu eεzebɔɔza ne nɔɔ nāá: «Bi é bot ε medjhaaz pe εko, bhimis pe si! Sa ngoollel-mεkpa ε Zεeb Ezayi nalεε dum ne nen ε, nabe é tsεetsε. Gwakeka sa di kwyala ε:

“Zεeb ke é nāá, bot ε mbyak'ak duwal me é duwela mekon,
elyem bɔɔ é pe kyee sis.

⁷ Zεεga mendjaala mɔɔ, ye é yii toto é mis mam, etεε nāá, melyo me be di elyo é melyo me epuud.”*

⁸ Bhii tak, Yezu baazeke nāá: «Bi byen é etsi e Zεeb, da bi é kaduwal é, yii bot nalik bin ye ε.

⁹ «Bi eezedhuugal etsi e Zεeb elyelepe, éteε εduwal etsi e mbyak'en!

* 7:7 Eza 29.13

¹⁰ Bela náá, ye nabε é Moiiiz eeke náá: “Dila soog ne nyoog” nyε nabaake pe é náá: “Mot di ekal sεεg ne nyεεg ɔ, goka é ne góaa†”.

¹¹ Ye kabε biyɔ ɔ, bi lεε bot ε náá, mot é ne ghwyil eke ne sεεg ne nyεεg náá: “Bee a esa ee mε aadjε wɔ ε. Mε eekwom yε, mε needjε Zεεb ebuwa. Yenek lεε é *Kɔbɔɔn*.”

¹² Deenek, bi ààbet náá, nyε kwyee sεεg ne nyεεg.

¹³ Ye é deenek ε bi di ehoola mεkpa ε Zεεb étεp εgoola etsi e mbyak'en. Zεnɔɔ bεtε ne mbi kɔkɔ esonok ee di esael ε.»

Melyo dum ne esa ee di edis mot edεε ε

¹⁴ Wɔ gwaa Yezu baazεdjɔo εdhuu ε bot binɔk djas. Nyεy ne nɔɔ náá: «Biyɔ djas, gwakeka mε. Metka sa mε di elii'aak:

¹⁵ Ye tok ne sa di ni tɔ nuub mot di ne ghwyil ε pul edεε e mot. Ye é sa di ewyis tɔ lε ε di esa náá, mot nàdi dεε.

¹⁶ [Gwakeka εnyɔεpe, bi é di ne mεlɔ mε εgwak etεp ɔɔ!]]»

¹⁷ Dáa Yezu nadus tin ε, bε eezεni tɔ ndjaa εtsetaεpe ne εdhuu ε bot, bεdjekel bε zokazεdji nyε sa εsuk ε kana yenek nadi ekwyel εlεε ε.

¹⁸ Nyε eezεbɔɔza ne nɔɔ náá: «Dɔɔ ne biyɔ, bi tok ne etson εtiibal é? Bi ààgu náá, sa mot di ewa tɔ nuubε é, yε aanàkwaapul edεε e mot e?

¹⁹ Esεεε binek ààni tɔ lyem; ye ni é tɔ mɔ'ε. Bhii tak, nyε kakεsaaz yε ε tɔ εbyeed.» Tɔ melyo menek Yezu nadi ekwyel εlεε é náá, edee djas goka é ne εdεel.

²⁰ Bhii tak, nyε eebaazεke náá: «Ye é sa di wyis tɔ mot ε di pul edεε e mot tak.

† 7:10 εwy 20.12; Det 5.16; εwy 21.17; Msa 20.9

²¹ Etεε náá, mbee egeka dus é tɔ lyem mot. Ye é esiiza ε di lwom bot náá, bε sa epam, djii nε ego ε bot,

²² εsa ε εzɔ, dɔɔb epata, mbee lyem, mεkɔŋ, mεba mbes, εwyeeb ε esa e baa, ebyas, εbet, melyet.

²³ Esesεε binek djas, egeka tak dus é tɔ elyem e bot. Ye é di esa náá, edεε e mot pulɛl é mis ε Zεεb.»

Ndjoŋ moma edum koŋ nε Yezu

²⁴ Yezu zεdus tin, tɔ pε kyee dik eghaada Tiid. Nyε eezεni tɔ dhiiti ndjaa, nyε nabe é ààkwyɛl náá, bot gu náá, nyε é tin. Ye nabe é ààdjala náá, mot dáa nyεy di sɔ.

²⁵ Tin, ye nabe é nε dhiiti moma, mbee sisim nadi edhek mɔn εsyεs ε lε ɔ. Dáa nyε nagwak menduk ε Yezu ε, nyε eezεzyε kaab pε daa lε, nyε zokazεkwyit mεboŋ si, sok bhwoob'ε.

²⁶ Moma tak nabe ààbε moma mbyak eYuda. Nyε nabyel é pε dɛl ε Fenisi pε kyee dik Siili. Nyε eezεdjaala nε Yezu náá, nyε sɔ mbee sisim nadi tɔ nyel mɔn'ε ɔ.

²⁷ Tin, Yezu eezεbɔɔza nε nε náá: «Beta, bɔn pookode, djil. Etεε náá, mapa bɔn goka é nε edε ε, yε àànyɔ, yε mwasaa, djεaa bɔn bεbhye.»

²⁸ Wɔ gwaa moma yenɔk baazεpesal náá: «Ghεŋ, wɔ é nε gham. Ye goka é wɔ gu náá, bɔɔ bεbhye di si mesa ɔ, bε dε é bɔɔ eghutu-ghutu emapa ee bɔn di kwyital é ghεŋ bε di edε kɔ mesa ε.»

²⁹ Tin, Yezu eezεke nε moma yenɔk náá: «Wɔy, moma, dum nε yala yɔ, sika pε ndjan'ɔ. Mbee sisim tak eezewyis tɔ nyel εsyεs ε lɔ.»

³⁰ Wɔ gwaa, nyɛ zɛsik pɛ ndjan'ɛ. Tin, nyɛ eekɛbela mɔn'ɛ ndjaasi kɔ gon, mbee sisim eezewyis tɔ lɛ.

Ɛtsak ɛ bubu mot

³¹ Bhii tak, Yezu eezɛdus pɛ kyee dik Tiid, zɛdhaa tɔ pɛ boo ghaada Sidɔn, zɛtsaal yii kyee bɔs mɛdhik mɛ eghaada kam, ɛtɛp nyɛ neetɔ pɛ kyee boo soob na djato-djato Ghalile.

³² Wɔ gwaa, bɛ zɛzyɛ nyɛ nɛ mot na endiila e mɛlɔ, àànyɔ ɛgu elii ɛnyɔɛpe. Bɛ eezɛdjaala nɛ nɛ náá, nyɛ kɛl nyɛ mɛmbɔ, nyɛ neetsak.

³³ Tin, wɔ gwaa, Yezu zɛnɔɔ mot tak, tiila nɛ nɛ ba ɛtsetaɛpe nɛ ɛdhuu ɛ bot. Bhii tak, nyɛ eezɛwa mot tak bhin tɔ mɛlɔ. Nyɛ eezɛsɛɛ mɛtɛl, zɛmɛt nyɛ djem nɛ yɛ.

³⁴ Bhii tak, nyɛ eezɛben mis pɛ ɛko, nyɛ eezɛso bhiyo. Nyɛy nɛ mot'enɔk náá: «*Effata!*» Ye kwylɛl ɛlɛɛ náá: «*Bɛɲelal!*»

³⁵ Ɛ di'enek wat, mɛlɔ mɛ mot tak eezɛbɛɲel; djem pɛ eezɛtiɲel. Nyɛ moo elii ɛnyɔɛpe.

³⁶ Yezu zɛlɛɛ nɛ bot binɔk djas náá, sa mot ààlɛɛ mot ngɔt sa sael wak ɛ, yenek nadhedhɛɛg bot ɛ dhɛɛga. Lyaka nyɛ nadi ɛ lelyak bot ɛ, nabebesal bot ɛ beselak.

³⁷ Bot naadyeebadjoka dhaa nyel. Bɔɔ náá: «Esa ee nyɛ di sa djas ɛ ɛnyɔɛpe! Nyɛy batabɛɛ mɛlɔ mɛ bɛ na endiila e mɛlɔ, ebubu batalii!»

8

Yezu eedɛ bot bɛmil ɛnɔ edee

¹ Tɔ mɛlu menek, boo ɛdhuu ɛ bot naabaazɛsɛɛga ɛ ngwoob ɛ Yezu. Dáa bɛ nadi ààdɛ ɛ, nyɛ ɛ boozɛdjoo bɛdjekɛl bɛ, nyɛy nɛ nɔɔ náá:

² «“Ha” kpaa-ghon ne bot bak! Be moo mena ne be noo mos é melu melé, be tokape ne edee e dek.

³ Me swaal be pe mendjaa moo to emo toto oo, be waazuk é ze. Eteé náá, mel me bedhiiti ne tseta.»

⁴ Bedjikel be eezεboowa ne ne náá: «Mena belaka edee ee bot bak djas aade djil ε paa, menabel é dika kuku kakon'aak?»

⁵ Yezu eezεdji be náá: «Bi é ne emapa edhen?» Tin, be eeaaazεboowa ne Yezu náá: «Eten ne ebá.»

⁶ Tin, nye é boozεlee ne εdhuu ε bot djas, be disi é boo. Bhii tak, nye eezεnoo emapa eten ne ebá binek, zeghaapeε Zεeb. Bhii tak, nye eezεpyak ye ebil-ebil, zekanoo, djε bedjikel be, be neekaa bot djas. Boo sa deenek.

⁷ Ye nabaadi é, ne ba boo besu. Yezu eezεnoo ye, ghaapeε Zεeb, bhii tak nye eedje bedjikel be, be kaa.

⁸ Mot ne mot nabe é nye naade, djil, bedjikel bula ne mebhuhwak bebhwan eten ne ebá.

⁹ E di tak, bot nadi é, tyee bot bemil ená (4 000). Bhii tak, Yezu zeswaal be, be sik pe mel moo.

¹⁰ E di'enek wat, nye eezεni to elεed be ne bedjikel be, zetó pe kyee dik Dalmanuta.

eFalizye eezεwaab Yezu dhiiti ndem mebwalá

¹¹ Tin, eFalizye eezεkum pe Yezu nadi é, be moo be meso, be ne be noo. Be nadikwyel eloo ε nye pe εko, da é bwood nye pe kiye. Boo ne ne náá, nye sa bedhiiti ndem mebwalá me di edus to gwoo ε.

¹² Tin, Yezu eezεsyel nyel «wɔyɔn». Nye é boozεke náá: «É tep yé bot ε melu mak di esaa endem e mebwalá? Tsetse ne tsetse, me lee bin ε náá: bi aanàkwaabee!»

¹³ Yezu zεdus é di'enek, ni to elεed, see dii, tó pe yii kyiid.

Leviid eFalizye ne Ellood

¹⁴ Ye nabe é, bedjekel eedjisa enoo emapa. Tin, to elloed be nazodi é, ne mapa wat e djin.

¹⁵ Yezu eezedul be melo. Nyey ne noo naá: «Biyo bak! Bi é kobaka ne leviid eFalizye ne leviid Ellood*.»

¹⁶ Bedjekel moo tin elii pak'oo naá: «Nyé ke deenek é, etee naá, mena àapazyeka ne emapa!»

¹⁷ Dáa Yezu gwak deenek e, nyé eezedji be naá: «Bi gwyé yé? Etee naá, bi tok ne emapa? Bi dinaa àapaasiiza enyope? Bi tok ne etsoj é?

¹⁸ Bi é ne mis, bi àabee? Bi é ne melo, bi àagwak é? Bi àataala?

¹⁹ E sok me napyak emapa eten dwoo tak, da é dje bot bemil eten, boo de, djil e, bebhwanj edhen nabwak ne betee ne ebil emapa to tak?» Wó gwaa be boza ne ne naá: «Kam ne ebá.»

²⁰ Yezu eebaadji naá: «É dwoo me nabaapyak emapa eten ne ebá, dje bot bemil ená e, bebhwanj edhen nabwak ne betee ne ebil emapa to tak?» Boo naá: «Ye nabwak é bebhwanj eten ne ebá.»

²¹ Bhii tak, Yezu eezeke ne noo naá: «Bhis yenek bi àagu sa ye di kwyel elee e?»

Etsak e mot edhim pe Bhetsaida

²² Be eezekum pe Bhetsaida. Tin, be eezzye Yezu ne mot edhim, boo naá, nyé met nyé étep nyé neetsik nyé.

²³ Yezu eezemet mot edhim binok é mbo, to ne ne ba etsetape ne del. Nyé eezese metel, loob nyé ye é mis. Bhii tak, nyé eekel nyé mambu, nyé eezedji nyé naá: «Wó epebee sonok é?»

* **8:15** Leviid kwyel elyaal é embee melyo me mekonj me eFalizye ne Ellood nadi elyo bot e.

²⁴ Mot edhim binok eezeben mis pe oko. Nyey náá: «Me epebee bot! Me bee be é, dáa ele, be epeke!»

²⁵ Yezu eebaazekel membo ko mis me mot tak. Bhii tak, nye moo zebbe enyope, nye eezetsak. Tin, nye moo bee «popoopwon».

²⁶ Bhii tak, Yezu eezeke ne ne, nye sik pe ndjaa, nye eezeke ne ne náá: «Sa wo àatuula ko del.»

Pyed ezele náá: Yezu é Mesia

²⁷ Bhis'enek, Yezu be ne bedjekel be eezetó pe kyee mel me di é ngwoob kyee del Sezaade e Filip e. Ze e ze dáa be nadi ke é, nye eezedji be náá: «Bot ke náá, mam é ze?»

²⁸ Bó náá: «Bedhiiti ke é náá, wo é Zan Nduuel-bot. Bak náá: Wo é Eli. Ye kabε yak pak bot o, bó ke é náá, wo é ngot to bengooel e mekpa e Zeeb.»

²⁹ Yezu eezeke ne no náá: «Ye kabε biyo o, bi ke náá, mam é ze?» Pyed ezebóza: «Wo é Mesia† e Zeeb nadhis o.»

³⁰ Deenek Yezu ezedul be melo elyεpe náá, sa be àaleε bot.

Eken elee e Yezu di elee bedjekel be náá, nye waagwyε, bhii tak da nye é gom e.

³¹ Bhis'enek nye moo lyo bedjekel be náá: «Ye goka é Seεεle Mon Mot zukaa εbuεpe. Bepaa e eYuda, ne eboo beghaa-Zeeb, zenó beghan e mekana me etsi é waabhina nye. Nye waagóaa. Melu melεl bhis εsyee e le, nye waagom.»

³² Nye naleεε be etεp binek djas é «μερυμε», àasyel sonok wat. Dáa Pyed nagwak deenek e,

† 8:29 Ye é Klisto Zeeb nadhis o, mot nazyε zetsik bot e mbyak eYuda o.

nyε eezεdul nyε é ngwoob. Nyεy nε nε náá: «Nàke deenek.»

³³ Bhii tak, Yezu zokazεbulal mis, gwyák bεdjekel bε. Tin, nyε eezεbiyo, zεke nε Pyεed náá: «Satan, dusa é mis mam etεε náá, egeka bɔ tok egeka e Zεεb. Ye é yii bot ε epuud!»

Dáa mot di egoka nε esa étεp nyε needu Yezu ε

³⁴ Bhii tak, wɔ gwaa, Yezu zεdjoo εdhuu ε bot, dɔɔ nε bεdjekel bε. Nyεy nε nɔɔ náá: «Yε bε náá, mot εpekwyεl εdu mε ɔɔ, nyε kat εkwyyεeg ε nyel'ε, nyε bεp mεlaaba mε, da nyε é du mε.

³⁵ Etεε náá, mot é di esaa εtsik ε nyel'ε ɔɔ, nyε waasu yε. Ye kabε mot aamyaa εsu é tsik'ε kɔ εsu ε lam, nε kɔ εsu ε Mbεε Bhaadal ɔɔ, nyε waabela tsik.

³⁶ Ye é tεtε ye, wɔ bela mεvu mε bɔs'ak djas, da wɔ é su tsik na kɔm-kɔm?

³⁷ Tεtε yaa mbi sa mεtan etuud mot aadjε étεp wɔ neebɔm tsik?

³⁸ Mot é gwak sen nε nam, nεghu nε mεkpa mam, é mis mε bot ε mesyem nε bot ε di ààkaab Zεεb é mεlu mε mena dika mos'aak ɔɔ, tin, Sεεηεε Mɔn Mot é waadi nε sen nε nε é ghεη nyε aazyε zεεga nε efofop bε tɔ duma Sεεg ε.»

9

¹ Wɔ gwaa Yezu baazεke náá: «Tseetse nε tseetse, mε lεε bin é náá: Bεdhiiti bot tɔ sama bi di'aak aanàkwaagwyε, bɔɔ ààbee dáa Eyon ε Zεεb aazyε nε eghεη ε.»

Eswoola bhwoob ε Yezu

² Bhii ye nadhaa tyee mεlu mεten nε wat ε, Yezu eezεnɔɔ Pyεed, nε Zak zεnɔɔ Zan, nyε zokazεbyet

nε nɔɔ kɔ boo ɛtsok pε bε nadi bɔɔ bε ɛmet ε. Nyε zokazεswoola bhwoob ε mis mɔɔ.

³ Ekaad bε moo puu ɛkasεpe, mbi mεkas mε wat di ààbε nε mbi sonok gekaa nε yε pε kɔ bɔs ε.

⁴ Batsa deenek, bεdjekel kasεka ε Eli bε nε Moiiz moo lεε elεɲ nε Yezu.

⁵ Wɔ gwaa, Pyεed zεke nε Yezu nάά: «Lyœl, ɛnyɔ nάά, mena dika wak. Djhoosumka epεt elεl: wat yɔ, yak yε Moiiz, dhiiti wat yε Eli.»

⁶ Nyε nadi ε, ààgu sa nyε nadi elii ε, etεε nάά, bεbebwol naadyeebamεt bε nε bɔn nyεεg ɛlyelεpe.

⁷ Eguud zokazεsul, wɔ gwaa, ye zεkala kɔ lɔɔ, butal bε. Tɔ eguud binek, wɔ gwaa dhiiti gwood zεgék, ε ke nάά: «Nwyak ε mɔn'am mε dyeebakwyel ɔ. Bi ε gwak nyε!»

⁸ E di'enek wat, bεdjekel moo tin ε gwyák ε mengwoob mɔɔ, bε kadi ε, ààkabaabee mot. Ye nazokalik ε Yezu nyε ɛmet.

Kiya dum nε ɛbula ε Eli

⁹ Dάa bε nadi ewyeed ɛtsok ε, Yezu eezεke nε bεdjekel bε nάά: «Sa mot ààlεε mot sa bi bee ε, kana dwoo ɛlak mos, keyaka nε dwoo Sεεɲεlε Mɔn Mot aagom ε.»

¹⁰ Bε naamεt mεkpa menεk djas, bε moo tin esɔs pak'ɔɔ nάά: «Nyε kwyel ɛlεε yé dum nε “εgom bhis esyee”?»

¹¹ Bhii tak, bε eezεdji Yezu nάά: «Étεp yé bεghan ε mεkana mε etsi di elεε nάά: ye goka ε Eli pookonyel ezyε ɛsok?»

¹² Nyε eezεbɔɔza nε nɔɔ nάά: «Tsεεtsε, ye goka ε nάά, Eli pookozyε ɛsok étεp nyε neezεkoobal esesεε djas. “Haa”, étεp yé ekwyala ε Zεeb di baalεε nάά,

ye goka, Sɛɛŋɛ Mɔn Mot zukaa ɛlyelɛpe, náá nyɛ waabhinaa?

¹³ Yɛ bɛ mam ɔɔ, betka mɛ lɛɛ bin náá: Eli eezezyɛ, kabela é, bot eesa nyɛ dáa bɛ nakwos ɛ, dáa mɛkpa ɛ Zɛɛb di ekwyala, dum nɛ nɛ ɛ.»

Etsak ɛ dhiiti mɔn, embee esisim nadi edhedhek ɔ

¹⁴ Dáa bɛ nakakum é di bɛdhiiti bɛdjekel nalik ɔ bɛ kabela é, zukamwaa nɛ mot, nɛ bɛghan ɛ mɛkana mɛ etsi kuku ɛbwak é suu mɛso.

¹⁵ Beea bot nabee Yezu ɛ, ye nabe é, bɛ naadyee-badjoka, bɛ eezɛsum ekaab, bɛ neekɛ swos nyɛ.

¹⁶ Yezu eezɛdji bɛdjekel bɛ náá: «Ye é mɛso mɛ yé bi di esuu, bi nɛ bɛ nɔɔ?»

¹⁷ Wɔ gwaa mot ngɔt tɔ ɛdhuu ɛ bot binɔk zɛke nɛ nɛ náá: «Lyoel, mɛ eezyɛ nɛ mɔn'am etɛɛ náá, mbee sisim ɛpedhek nyɛ, nyɛ ààlii.

¹⁸ Mbee sisim tak zoghɛɛ nyɛ é edi djas, ghɛɛg nyɛ é bɔs, mɛwyil é nuub, mɔn kwaan mɛtsok, mɔn nyel kaada dáa muu. Mɛ é booke nɛ bɛdjekel bɔ náá, bɛ sɔ mbee sisim tak. Bɛ ààpakwak yɛ.»

¹⁹ Tin, wɔ gwaa Yezu zɛke nɛ nɔɔ náá: «Bi é bot ɛ di àadum kon nɛ Zɛɛb ɔ! Mena kalikeka é di wat melu mɛdhen? Ye kabaalik melu mɛdhen mɛ di egoka nɛ ɛmaad ɛ bin? Dhaaka mɛ nɛ mɔn'enɔk wak.»

²⁰ Bhii tak, bɛ eezezyɛ nyɛ nɛ mɔn tak. Beea mbee sisim nabee Yezu ɛ, wɔ gwaa, nyɛ zɛdheeg mɔn'enɔk ɛlyelɛpe «buku-buku». Nyɛ eezɛghaaga si, nyɛ moo boola si, mɛdheed ewyis é nuub.

²¹ Tin, Yezu eezɛdji sɛɛg mɔn'enɔk náá: «Mɔn'ak moo nɛ ɛbil ɛbé ɛlak mos melu mɛdhen?» Sɛɛg mɔn nɛ nɛ náá: «Kana edhɔma bɛ, kɛyaka nɛ dwoo pan mos'ak.

22 E dhiiti tyε, mbee sisim εpezyeegal nyε tɔ du, yak tyε tɔ dii étεp nyε neegwyε. “Yaayee!” Geka bis ghon, tsika bis, wɔ di nε ghwyil esa ɔ!»

23 Wɔ gwaa Yezu zεbɔɔza nε nε náá: «Étεp yé wɔ ke náá: “Wɔ di nε ghwyil esa ɔ.” Ghuna ye é náá, mot ε dum kon nε Zεεb ɔ, esa djas nyε aawaab ε, nyε waabela.»

24 E di'enek wat, sεεg mɔn'enɔk eezεtsim elyεlεpe. Nyεy náá: «Mε eedum kon. Kwyeea mε etεε náá, mε neewa lyem tɔ εmyaal εnyɔεpe!»

25 Dáa Yezu nabee εdhuu ε bot ezye ekaab pε kyee bε nadi é, nyε eezεbhem mbee sisim. Nyεy nε nε náá: «Wɔy sisim di ediyal bot mεlɔ nε enuub ɔ, ye é mam ε di eke nε nɔ náá: Wyisa tɔ nyel mɔn'ak. Sa wɔ ààbaabula tɔ lε!»

26 Wɔ gwaa, mbee sisim zεbo boo tsim, zεdheeg mɔn'enɔk elyεlεpe. E di tak, mbee sisim tak eezεwyis, mɔn tak moo tin dáa muu, sa náá, bot ε nadi tin ɔ, ke náá: «Nyε eegwyε!»

27 Tin, Yezu eezεmet nyε é mbɔ, zεwyel nyε, mɔn tak eezεtyaa tetel.

28 E sok Yezu nazεni tɔ ndjaa bε nε bεdjekel bε bɔɔ bε εmet ε, bεdjekel eezεdji nyε náá: «Étεp yé bis di ààkwak εsɔ mbee sisim tak?»

29 Yezu eezεbɔɔza nε nɔɔ náá: «Mbi esisim binek wyis é, ye é bε náá, wɔ nε djaala Zεεb εbuεpe ɔ.»

Yezu eebaazεεε esyee nε εgom ε lε tyee lεεa esok ebá

30 Bε eezεdus tin, wɔ gwaa, bε zεtsaal kyee dik Ghalile djas. Yezu nabε ààkwyl náá, bot gu pε nyε nadi ε.

31 Etεε náá, nyε nadi elyo bεdjekel bε. Nyεy nε nɔɔ náá: «Sεεηεlε Mɔn Mot é waakaaa é mεmbɔ mε bot

ε mesyem. Bhii tak, be waagó nye. Melu melél bhii tak, nye waagom.»

³² Tin, bedjekel nabe é, ààmɛt lo etɛp ee nye nadi elɛɛ be ε. Be nadi é, nɛ bwoo ɛdji nye etɛp binek djas.

Ɛze di boo-mot?

³³ Be eezɛkum pɛ Kapɛlnaum. Dáa be nadi tɔ ndjan ε, Yezu eezɛdji bedjekel be náá: «Mɛso mɛ yé bi di esuu ze ε ze?»

³⁴ Bɔɔ djas «kup», ààlii, bela tin náá, ze ε ze be nadi esuu mɛso dum nɛ etooba.

³⁵ Tin, Yezu eezɛdisi, bhii tak, nye eezɛdjóo bedjekel be kam nɛ bebá. Nyey nɛ nɔɔ náá: «Mot ε kwyɛl etooba ɔɔ, ye goka é nye di mot ɛbhis tɔ bɛsɔ djas. Nye di mot-mɛsa mɛ bɛsɔ djas.»

³⁶ Bhii tak nye eezɛnɔɔ dhiiti mɔɔ dhyeeb, nɛɛg nye kuku ɛbwak ε lɔɔ. Nye eezɛbeedal nye. Bhii tak, nye eezɛke nɛ nɔɔ náá:

³⁷ «Mot aamyaal mɔɔ dhyeeb dáak kɔ ɛsu ε kwyɛl nye di nɛ ye nɛ nam ɔɔ, ye é mam mɛ ɛmet ε nye myaal. Mot aamyaal mɛ ɔɔ, nye ààpamyaal mam mɛ ɛmet. Nye myaal é dɔɔ nɛ mot nadhis mɛ ɔ.»

Mot di ààbhina mena ɔ, nye é mot'ena

³⁸ Zan eezɛke nɛ Yezu náá: «Lyoel, bis eebee dhiiti mot esɔ embee esisim nɛ din ε lɔ. Bis eekoolyak nye, etɛɛ náá, nye ààkɛ lɔɔg wat mena nɛ be nɔɔ.»

³⁹ Tin, Yezu zɛbɔɔza nɛ nɔɔ náá: «Sa mot ààlyak nye, etɛɛ náá, ye tok nɛ mot aasa endem e mɛbwala nɛ din ε lam é di'enek wat, da nye é byak mɛ.

⁴⁰ Etɛɛ náá, mot é di ààbhina mena ɔɔ, nye é mot'ena.

⁴¹ Tseetse ne tseetse, me lee bin é náá: Ne mot aazodje bin djeak neghu beele medii me wat etee náá, bi é bot e Mesia o, nye waabela boo etuud.»

Be na mbee mefulu eedulaa melo

⁴² «Mot é di tyee boo ebek etep ekoo to mesyem ngot to bon di dum kon ne nam o, ye goka é náá, be tsel nye boo ekok é tsun, da be é loo nye to dii meson.

⁴³ Ye be náá, mbo'o di esa náá, wo kwyit melu djas to mesyem o, tsaala ye. Enyo náá, mot ni to tsik na kom-kom ne mbo tsaala. Ebiyo kabe é náá, wo di ne membó membá, da wo é su tsik, da wo é to, kedyak to du na kom-kom. [

⁴⁴ Pe to di di náá, elum aagwye e, é di di náá, ngel du aadim e.]

⁴⁵ Ye be náá, ko'o di esa náá, wo gheekwye-kwye melu djas to mesyem o, ye goka é, wo tsaal ye. Enyo náá, mot ni to tsik na kom-kom ne ko tsaala. Ebiyo kabe é náá, wo di ne meko membá, da wo é su tsik, da wo é to, kedyak to du na kom-kom. [

⁴⁶ *]

⁴⁷ Ye be náá, dis e lo é di esa náá, wo gheekwye-kwye melu djas to mesyem o, ye goka é, wo dis ye. Enyo náá, mot ni to Eyon e Zeeb ne dis wat. Ebiyo kabe é náá, wo di ne mis membá, da wo é su Eyon e Zeeb, da wo é to, kedyak to du na kom-kom.

⁴⁸ Pe to di di náá, “elum aagwye é, é di di náá, ngel du aadim e.”

⁴⁹ Tin, ye aadi é, bot djas moo egwom zam du.

⁵⁰ «Meson é mbee sonok. Ye be náá, meson moo é, aakagwom o, “haa” ye saaa dáa, etep ye neebaag-

* **9:46** Pe to di di náá, elum aagwye é, edi di náá, ngel du aadim e.

wom? Dika ne meson to len, da bi e gwakel ne bot djas.»

10

Melyo e Yezu dum ne ebel e eba

¹ Yezu eezetó pe kyee dik Yude, pe yii kyiid dii Yulden. Wó gwaa, zukamwaa ne mot baazeseega tin, nye moo baazelyo be daa nye nazezye ne esesa sok e.

² Bedhiiti eFalizye eezetiila pe daa le, etep be neeloo nye pe eko, bwood nye pe kyee. Be eezedji nye naa: «Etsi bina epemyaal naa, mot pee myel e?»

³ Yezu kabooza ne noo to kiya naa: «Moiiz nakodje bin yaa tsi?»

⁴ Be ezeboza ne ne naa: «Moiiz nake e naa, motom kwyal mekana me di lyaal naa, nye eep ee myel e. Bhii tak, nye e ne ghwyil epee myel.»

⁵ Deenek Yezu ezeke ne noo naa: «Moiiz nakwyal deenek e, etep'en etee naa, bi ne dyeebalyel elyem.

⁶ Mena bee e ghej Zeeb nakus bos o, “Nye nasaa e motom ne moma”, ekwyala lee e deenek.*

⁷ “Etep tak e di naa, motom e waalik seeg ne nyee, keeseega ne myel.

⁸ Bhii tak, boo bebá kadi e, be moo mot ngot.” Tin, be tokape bot eba; be moo e mot ngot.

⁹ Tin, sa mot ngot aabo sa Zeeb seeg e.»

¹⁰ E sok be nazeni to ndjan e, wo gwaa bedjikel baazedji Yezu medjin dum ne tep tak.

¹¹ Nye e boozeboza ne noo naa: «Mot e pee myel, da nye e keba moma sis o, nye e mot mezo etee naa, be ne moma megwyak dinaa mot ngot.

* 10:6 Mek 1.27

12 Tyee wat ne moma. Nye byen ngom, da nye é myaal étó, keba motom sis ɔɔ, nye sa é ezɔ.»

Yezu eesεε bɔɔ dhyeeb metel

13 Bot zokazyε Yezu ne bɔɔ dhyeeb éteɸ nye neekel be membɔ. Tin, bedjikel eezεbhem be.

14 Dáa Yezu nabee deenek ε, lyem naakpaa nye. Bhii tak nye eezeke ne bedjikel be náá: «Betka bɔɔ dhyeeb zyε pε daa lam! Náluka be etεε náá, Eyon ε Zεeb é, éteɸ bot ε di tyee bɔɔ ɔ.

15 Tsεetse ne tsεetse, mε lεε bin ε náá: Mot ε di ààmyaal Eyon ε Zεeb dáa mɔɔ dhyeeb ɔɔ, nye aanàkwaani tɔ tak.»

16 Bhii tak, nye eezεghεε mɔn ngɔt, nye moo tin ekel membɔ kɔ bɔn binɔk, esεε be metel.

Mot ekum

17 Yezu gba ε gba, nyey kuku kyeed, dhiiti mot zokazyε ne kaab, zεkwyt mebon si, si meko mε. Nyey ne ne náá: «Mbεε lyoel, mε goka ne esa dáa éteɸ mε neebela tsik na kɔm-kɔm?»

18 Yezu eezεbɔɔza ne ne náá: «Éteɸ yé wɔ di edjóo mε mbεε lyoel? Ye tok ne mbεε mot kɔ bɔs'ak bhii Zεeb nyey nye emet.

19 Wɔ ne gu etsi djas: “Sa wɔ ààgɔ mot, sa wɔ ààsa meɔɔ, sa wɔ ààdjii sa mot, sa wɔ ààlεε elɛɛ e etsal dum ne mot, sa wɔ ààsa sa εbiyo ne mot, duwala soog ne nyoog†.”»

20 Mot'enɔk eezεbɔɔza ne ne náá: «Lyoel, etsi binek djas mε ne duwal yε, kana edhɔma bam, kekum dwoɔ pan mos'ak.»

21 Yezu eezεgwyák nye ne lyem mekwyeɔla. Nye eezeke ne ne náá: «Ye zokalik wɔ é, wɔ sa sa wat:

† 10:19 Ewy 20.12-16; Det 5.16-20

Tóá, kebɔmsa esa bɔ djas, da wɔ é nɔɔ epata e tak, dje bedjel e bot, tin, wɔ waabela mɛvu tɔ gwoo, bhii tak da wɔ é zɛdu mɛ.»

²² Dáa mot ekum'enɔk nagwak deenek e, ye nabe é, mɛkpa menek naatek nyɛ nyɛl «wɔyɔŋ». Nyɛ eezɛsik nɛ ebuk etɛɛ náá, nyɛ nadi é, nɛ ekum ebuepe.

²³ Bhii tak, Yezu eezɛliig mis tɔ ebwak, gwyák bedjekel bɛ. Nyɛy nɛ nɔɔ náá: «Ɛkɔɔla nɛ bekum e bot, bɛ ni tɔ Ɛyɔŋ e Zɛɛb!»

²⁴ Ye nabe é mɛkpa menek naadyeebadhek bedjekel bɛ ebhum elyem, bhii tak Yezu eeaaazɛke náá: «Bɔn bam, ɛni é tɔ Ɛyɔŋ e Zɛɛb, tok ebɛɛ!»

²⁵ Ɛlyel náá, boo yaaga bal, nyɛ ni tɔ ba mɔɔ elen e dhɔɔ, baalyel dhaa-dhaɲak nɛ mot ekum, nyɛ ni tɔ Ɛyɔŋ e Zɛɛb.»

²⁶ Bedjekel nadjodjoka yenek djas é djoka. Tin, bɛ moo djinɛl pak'ɔɔ náá: «Yɛ bɛ deenek ɔɔ, ɛzɛ aabela tsik na kɔm-kɔm?»

²⁷ Yezu zɛbulal mis, gwyák bɛ. Nyɛy nɛ nɔɔ náá: «Yɛ bɛ bot ɔ, bɛ aanàkwaakwak. Ye é Zɛɛb nyɛy nyɛ ɛmet é aapaakwak, etɛɛ náá, ye tok nɛ sa Zɛɛb aadi àakwak.»

²⁸ Wɔ gwaa, Pyɛɛd ke náá: «Gwyáka! Bis eezebet esa bis djas éteɖ ɛdu e wɔ.»

²⁹ Yezu baazɛbɔɔza náá: «Tɛɛtɛ nɛ tɛɛtɛ, mɛ lɛɛ bin é náá: Mot é bet sɛɛg nɛ nyɛɛg, nɛ mɔn nyɛɛg, zɛnɔɔ bɔn bɛ, nɛ bekɛl, zɛnɔɔ mendjaa mɛ, nɛ epyeeb bɛ éteɖ'am, nɛ éteɖ Mbɛɛ Bhaadal e Zɛɛb ɔɔ,

³⁰ kana mos, nyɛ waabela mendjaa, bedhyeeb, bekɛl, benyɛɛg, bɔn nɛ epyeeb bedhet nɛ bedhet kɔ bɔs. E di tak wat, nyɛ waadɛ goo kɔ ɛsu e lam. Tɔ tsik aazyɛ bhis yak e, nyɛ waabela tsik na kɔm-kɔm.

31 Bela náá, betε ne bot ε di mos é lɔɔg esok ɔ, be aakaswaala bot ε ebhis, bot ε di mos pe lɔɔg ebhis ɔ, be aakaswaala é bot ε lɔɔg esok.»

Ye moo é tyee esok elɛl Yezu di elɛɛ esyee ne gom ε lɛ ε

32 Be nadi é é ze, bɔɔ etó pe Yeluzalem. Yezu pe sok, bedjekel be pe bhis ne bedhiiti bot ε nadi edu nye ɔ. Keɲ nabe é ye moo sa be. Wɔ gwaa Yezu baazεεεg bedjekel be kam ne bebá, nye moo tin elɛɛ be sa aasaɛl dum ne ne ε.

33 Nye eezelɛɛ be náá: «Gwakeka! Mena epetóka pe Yeluzalem pe Sɛɛɲelɛ Mɔn Mot aakaaa é mɛmbɔ me eboo beghaa-Zɛɛb ne beghaɲ ε mɛkana me etsi ε. Be waapit nye, bhii tak, be waadje nye epée e esyee. Nye waadjeaa é mɛmbɔ me bot ε di ààbe bot ε mbyak eYuda ɔ.

34 Bot binɔk é waaduk nye, sɛɛ nye metel é mis, nyuu nye ne eghwyɛs, gó nye. Melu melɛl bhis esyee ε lɛ, nye waagom.»

Ngwyeebel ε Zak ne Zan

35 Wɔ gwaa Zak be ne mɔn nyεεg Zan, bɔn ε Zɛbedɛ, zokazetiila pe daa Yezu, bɔɔ ne ne náá: «Lyoel, bis kwyɛl é náá, wɔ sa sa bis aadji wɔ nenak'aak.»

36 Nye eezɛdji be: «Bi kwyɛl náá, me sa bin yé?»

37 Be eezɛbɔɔza ne ne náá: «Bis kwyɛl é náá, é sok wɔ aadi tɔ duma yɔ ε, wɔ dje bis duma ε dje bis ghwyil ɛdisi, ngɔt pe mbɔ eghɛɲ bɔ, nwyak ngɔt pe mbɔ ɛmyɛl ε lɔ ε.»

38 Tin, Yezu zokazɛbɔɔza ne nɔɔ náá: «Bi ààgu sa bi di ewaab ε. Bi é ne ghwyil ekwak ɛdɛ mɛdii me

mbi beele mam aade e neghu bi e ne ghwyil eduwa Zeeb kaka mbi mam aaduwa e?»

³⁹ Baa ne Yezu naa: «Bis e waakwak esa ye.» Bhii tak, Yezu zebaabaa za ne naa naa: «Ye e tseetse naa, bi e ne ghwyil ede to beele mezuk me me aade e. Bi e ne ghwyil eduwa mezuk daa mam aaduwa e.

⁴⁰ Ye kabe dum ne tep edisi pe mba eghen bam neghu pe mba emyel e lam o, ye tok mam di ne ghwyil edje bin edi e tak, etee naa, edi binek aadjeaa e, ne bot e ye nazekoobela etep'o o.»

⁴¹ Daa bedjekel kam nalik e, nagwak deenek e, ye nabe e, ye naakpaa be elyem dum ne tep Zak be ne Zan nali e.

⁴² Tin, Yezu zokazedjoo be. Bhii tak, nye eezee be naa: «Bi ne gu daa ba's'ak di e: Ye e bot e di ebeea daa ekukuma e membyak e di ezuk bot baa. Eboo bot e ba's epenyal be ne meko maa.

⁴³ Ye aagoka ne esael deenek pak'en. Ye goka e naa, mot di ekwyel edi ko elo besa pak'en o, mot tak paakodi mot-mesa me besa.

⁴⁴ Mot aakwyel edi pe sok besa o, di kwom besa djas.

⁴⁵ Etep tak e di naa, Seengele Mon Mot nyey nye emet nabe aazyee, etee naa, bot neezedi bot e mesa me. Nye nazyee e, zesa bot mesa, ne ezedje tsik'e tyee etuud etep bot ebupe.»

Etsak e mot edhim pe Yeliko

⁴⁶ Be eezekum pe del e Yeliko. Daa Yezu nadi, nye moo wyis be ne bedjekel be tin e, zukamwaa ne mot nadi edu be. Ye nabe e ne dhiiti mot na edhim ne engwyeebel, din e le nabe Balatime. Nye nabe e mon e Time. Nye nadidi e ndiindil e ngwoob gba.

⁴⁷ Dáa nyε nagwak náá, ye nabe é Yezu, mot Nazaret ε, wɔ gwaa, nyε zetsim náá: «Yezu, Mɔn ε Dhavid, geka me ghon!»

⁴⁸ Betε ne bot ε nadi tin ɔ moo tin ebiyo ne ne, ebhem nyε, étεp nyε needi gwyem. Tin, nyε ee-baazeloogal gwood elyεlεpe: «Mɔn ε Dhavid, geka me ghon!»

⁴⁹ E sok'enek, Yezu eezetyaa. Nyey ne bedjekel be náá: «Djóoka me nwyak.» Tin, be eezεdjoo mot edhim binɔk. Bɔɔ ne ne náá: «Wyεla, sa meghaaz. Nyε é epedjoo wɔ!»

⁵⁰ Tin, «ngbat», Balatime eezεwyel, mwas boo ndjookuwa ye, tɔ pe Yezu nadi é.

⁵¹ Deenek Yezu eezεdji nyε náá: «Wɔ kwyel náá, me sa wɔ yé?» Mot edhim binɔk eezεbɔɔza ne ne náá: «Lyɔel, me kwyel é náá, mis mam beηel!»

⁵² Yezu eezεke ne ne náá: «Tóa, emyaal ε lɔ eetsik wɔ.» E di'enek wat, mis me eezεbeηel. Bhii tak, nyε moo du Yezu é gba.

11

Eniel ε Yezu tɔ Yeluzalem

¹ Dáa be nadi, be moo kunaa ne Yeluzalem ε, ye nabe é, be moo é ngwoob Bhetfaze ne Bhetani, mbaka-mbaka ne etsok ε pyeeb oliv. Tin, Yezu eezεlwom bedjekel be bebá.

² Nyey ne nɔɔ náá: «Tóka kɔ dεl di pe sok'enek. Tuula bi aatuula kɔ dεl ε, bi é waabee mɔɔ swooz an tinjela di náá, mot dinaa àapaago kɔ le ɔ. Tiika nyε, da bi é zye me ne ne wak.

³ Mot é dji bin náá: “Bi tɔ ne ne wo ɔɔ?” Lεεka nyε náá: “Ye é Ghεη é di ne gwyes ne ne. Nyε waabulal bin nwyak nenak.”»

⁴ Bhii tak, be eezetó, be kabela é, mɔɔ swooz an tinjela é ebɛ ɛ ndjaa dhiiti mot. Wɔ gwaa, be zetii nyɛ, zesik nɛ nɛ pɛ Yezu nadi é.

⁵ Bɛdhiiti bot ɛ nadi tin ɔ eezɛdji be éteɓ yé be di etii mɔɔ swooz an.

⁶ Wɔ gwaa, be zɛbɔɔza nɛ nɔɔ dɔɔ Yezu nalɛɛ nɛ nɔɔ ɛ. Tin, be eezɛbet be, be eetii mɔɔ swooz an tak.

⁷ Bhii tak, be eezetó nɛ mɔɔ swooz an tak pɛ Yezu nadi é, wɔ gwaa be zɛkel nyɛ endjookuwa bɔɔ kɔ kon'ɛ, bhii tak Yezu eezɛkalal kɔ lɛ, disi.

⁸ Wɔ gwaa bot ɛbuɛpe zetó nɛ ɛdja endjookuwa bɔɔ gba ɛ gba, bɛdhiiti kadja yɔbɔ é, ebhuuz e ele ee be nadi etsaal tɔ epyeeb ɛ.

⁹ Ngon bot ɛ nadi pɛ sok ɔ, nɛ bot ɛ nadi pɛ bhis ɔ, moo tin edjeeb: «Hozana! Zɛɛb sɛɛ mot zye nɛ din ɛ Ghɛɲ ɔ metel!

¹⁰ Zɛɛb goka é nɛ ɛsɛɛ metel mɛ kɔ ɛyon ɛ di ezye yenek, ɛyon ɛ Dhavid sɛɛg'enaka! Hozanna nɛ Zɛɛb tɔ gwɔɔ.»

¹¹ Yezu eezɛni tɔ Yeluzalɛm, nyɛ eezetó pɛ kok Ndjaa-ebuwa. Bhii nyɛ nakazɛgwyák é ngwoob'ɛ ɛ, nyɛ eezɛbee esesɛɛ ee nadi esɛɛ tɔ tak ɛ djas, nyɛ eezɛnɔɔ nyel, be nɛ bɛdjekel be kam nɛ bɛbá dhaa yɔbɔ, tɔ pɛ Bhetani, etɛɛ náá, ye nabe é dwoɔ eezɛsila.

Yezu eezɛlek le fiigh di ààdjɛ bhum ɛ

¹² Yak mɛlem, é ghɛɲ be nadi edus pɛ Bhetani ɛ, wɔ gwaa za zɛmɛt Yezu.

¹³ Bɛ dinaa ɛtsetaɛpe, wɔ gwaa, nyɛ zɛbee le fiigh nɛ bɛtɛ nɛ eka. Tin, Yezu eezɛtiila si le tak nɛghu nyɛ waabela bhum, éteɓ nyɛ neebók, dɛ. Dɔɔ nyɛ nakakum si le ɛ, nyɛ ààpakabela sonok. Nyɛ kabela

é, eka nε eka, etεε náá, yε mbu nyε di edjε bhum ε, nabε é, ààdjala.

¹⁴ Tin, Yezu eezεke nε le tak náá: «Kan dwoo pan mos'ak, ye tok nε mot aabaadε bhum'ɔ!» Bεdjekel bε nabε é egwak etεp binek djas.

Yezu eezεsɔ bot ε di bɔmsa esa pε tɔ Ndjaa-ebuwa

ɔ

¹⁵ Bε eezεkum pε Yeluzalem. Wɔ gwaa bε zεni tɔ kok Ndjaa-ebuwa. Nyε eezεni é sɔ bot ε nadi ebɔmsa esa bɔɔ ɔ, nε bot ε nadi ebɔm-bɔmak ɔ nadi tin ɔ. Nyε eezεwaaz emesa bε nadi eswoola epata kɔ tak ε, nε mεbhóó mε bot ε nadi ebɔmsa mεghum ɔ.

¹⁶ Yezu nabε é ààbet náá, mot ngɔt dhaa nε sa wat tɔ kok Ndjaa-ebuwa.

¹⁷ Bhii tak, nyε moo lyo bε náá: «Tɔ mεkpa mε Zεεb, ye tok kwyala náá: “Ndjan'am aadjóaa é, ndjaa mendjaala mε eYuda, étεp bot ε membyak djas é”? Yε kabε biyɔ ɔ, bi eezesa náá, ye di zεεga bot ε djii*.»

¹⁸ Tin, wɔ gwaa etεp binek djas kum tɔ mεlɔ mε eboo bεghaa-Zεεb nε bεghan ε mεkana mε etsi. Bε moo tin esaa dáa bε aasa étεp bε neegó nyε. Etεε náá, bε nadi é, nε bwoo dáa bε nadi ebee dáa εdhuu ε bot nadi eduwal mεlyo mε ε.

¹⁹ Dáa dwoo nakabε yε eesila ε, wɔ gwaa bε nε bεdjekel bε zokazεwyis, tɔ.

Syeela le fiigh

²⁰ Tɔ mεlem kεεɲ dáa bε nakadhaa é ze'enek ε, bε kabela é, le fiigh eezesyee dɔɔ nε ekanal.

* **11:17** Eza 56.7; Zel 7.11

²¹ Tin, Pyeed eezetaala sa nasaal koko é di'enek ε. Nyey ne Yezu náá: «Lyoe! Gwyáka le fiigh wɔ nalek koko ε. Ye eezesyee!»

²² Yezu eezɛɔɔza ne bɛdjekel be náá: «Me lee bin é náá: Dumka koŋ ne Zeeb.

²³ Tsɛtse ne tsɛtse, me lee bin é náá: Mot é ke ne etsok elak: “Gheea nyel tin, dusa, keghaaga tɔ dii meson” ɔ, ye é be náá, mot tak tok ne meso tɔ lyem ɔ, nye dum koŋ ne Zeeb ɔ, djas nye aake ε, ye waasaal éteɸ'ε.

²⁴ Eteɸ tak é me di eke ne nen náá: E sok bi di edjaala éteɸ ewaab sonok ε, dumka koŋ náá, bi eezebela, tinaak é bi aabela sa bi waab ε.

²⁵ Tin, bi é di tetel éteɸ mendjaala ɔ, wɔ siiza náá, wɔ é ne teɸ ne mon nyoog ɔ, ye goka é wɔ pel nye etee náá, Seeg'en di tɔ gwoo ɔ neepel bin yebɔ ebiyo bi sa ε. [

²⁶ Ye be náá, bi àapapel bon nyeeɸ bin ɔ, Seeg'en di tɔ gwoo ɔ, aanákwaapel yebɔ mesyem me bi sa ε.]»

Eghɛɲ ε Yezu dus paa?

²⁷ Bhii tak, be eezɛbula pe Yeluzalem, dáa Yezu nadi edjaad tɔ kok Ndjaa-ebuwa ε, wɔ gwaa, beghan ε mekana me etsi, ne bepaa ε eYuda, zenɔ eboo beghaa-Zeeb, zokazyε pe daa Yezu beghu.

²⁸ Be nazyε zɛdji Yezu é náá: «Kɔ eghɛɲ e zε wɔ di esa esesε binek? Eze dje wɔ eghɛɲ esa deenek?»

²⁹ Yezu eezɛɔɔza ne nɔɔ náá: «Me pookodji bin kiya wat. Bi é ɔɔza me ɔ, ye é me kaleε bin kɔ eghɛɲ e zε me di esa esesε bak.

³⁰ Ye é eze nadhis Zan, nye zɛduu bot Zeeb? Ye nabe é Zeeb “ohoo” ye nabe é mot? Bulalka me kiya yenek.»

³¹ Pak'ɔɔ bɛ moo tin esɔs. Bɔɔ náá: «Mena é keka nenak náá: “Ye é Zɛɛb” ɔɔ, nyɛ waadji mena náá: “Étɛp yé bi nadi ààmyaal Zan?”»

³² “Haa” mena keka nenak náá: “Ye é mot é nalwom nyɛ ɔɔ?”» Bɛ nake deenek é, etɛɛ náá, bɛ nadi ekaab ɛdhuu ɛ bot, bela náá, bɔɔ djas nadi eke é náá, Zan nabe é tɛtɛ ngooel-mɛkpa ɛ Zɛɛb.

³³ Bɛ é boozɛbɔɔza nɛ Yezu náá: «Bis ààgu.» Tin, Yezu é boozɛbɔɔza nɛ nɔɔ náá: «Dɔɔ nɛ mam pe, mɛ aanàkwaalɛɛ bin kɔ eghɛɲ e zɛ mɛ di esa esesɛɛ bak.»

12

Kana bot ɛ mɛsa bɛ na embee elyem di ebaal pyeeb vin ɔ

¹ Bhii tak, Yezu zɛlii nɛ nɔɔ tɔ kana náá: «Mot ngɔt naabɛ pyeeb vin*. Nyɛ zokapeeb pyeeb tak, tin, wɔ gwaa nyɛ kpak tyee mɔɔ bwak tɔ ɛkok, edi bɛ aadi esesyaal mɛdii mɛ bhum vin tak ɔ. Bhii tak, nyɛ eebaazɛsum ndjaa pɛ ɛko, étɛp bot aadi ebaal pyeeb ɔ. Bhii tak nyɛ eezɛdjoo bot ɛ di egu mɛsa mɛ vin ɔ, da é djɛ bɛ mɛsa mɛ tak. Nyɛ eezɛnɔɔ nyel, tɔ mɛdjɔɲ.

² Mbu epyeeb e tak di ewum ɛ, yɛ eezɛdjala. Wɔ gwaa, nakuma pyeeb zokazɛlwom mot ngɔt di esa mɛsa pɛ daa lɛ ɔ, pɛ dáa bot ɛ nyɛ nalik nɛ pyeeb ɔ, étɛp bɛ needjɛ nyɛ yɛ pak bhum vin bɛ nabela ɛ.

³ Wɔ gwaa, bot ɛ nalik nɛ pyeeb ɔ, zɛmɛt mot tak, duma nyɛ é nyel nɛ mɛbin. Bhii tak swaal nyɛ mɛmbɔ toto.

* **12:1** Pyeeb ele di djɛ bhum di saa nɛ yɛ mɛnyok mɛ vin ɛ.

⁴ Bhii mot sok, nakuma pyeeb eebaazelwom dhiiti mot di esa mesa pe daa le o náá, nye tó pe daa loo to pyeeb, be eezenyuu nye é lo, nyek nye ebupe.

⁵ Yak kóko tyee esok elél. Nye eebaazelwom nwyak mot, boo duma nye é nyel ne mebin, gó nye. Be nabaazosa ne bot e nazy e ebhis o deenek, bedhiiti biao, bak góaa.

⁶ Nye nabe é ne etsak e mon'e nye nadi ekwyel dhaa tyé o nalik o. Nye eezelwom nye pe daa loo ne egeka náá: “Be waadil nye, etee náá, ye é mon'e met.”

⁷ Dáa bot é di esa mesa to pyeeb'e nabee mon'enok e, boo náá: “Yawee! Beeka mot aalik ne mevú mak djas o! Djhookégóka nye. Tin, mevú mak aadi é, yenabelka.”

⁸ Wo gwaa be zemet nye, gó nye, mwas muu'e bhii pyeeb vin.»

⁹ Yezu eezedji be kiya náá: «É di'enek, nakuma pyeeb goka ne esa ye? Nye waazyé, da nye é gó bot e nadi esa mesa to pyeeb o. Bhii tak, da nye é noo pyeeb, dje ne bot esis.

¹⁰ Bi nabe ááláa mekpa mak to ekwyala?

“Ékok e besumel mwas e, moo é ékok di epyet ndjan e.

¹¹ Ye é ne ghwyil e Gheŋ e nye moo deenek. Ye tok tin mbyok é mis menaka†?»

¹² Tinaak, begħan e mekana me etsi, ne bepaa e eYuda, zenoo eboo begħaa-Zeeb, nadi esaa mepek étepe be neemete nye. Tin, be nadi ekaab é edhuu e bot, etee náá, be nabe é, egu náá, Yezu nalee kana tak é, ko esu e loo. E di tak wat, be eezebet Yezu, to yobo.

† 12:11 Med 118.22-23

Etuud e lapo ne mekoozi Sezaad

¹³ Beghaa-Zeeb zekyeed bedhiiti eFalizye ne bedhiiti bot e zεega mekoozi Ellood pe daa Yezu tyee mebhawal, etep nye neebela ndje ko mekpa me emet.

¹⁴ Be e boozεke ne ne naa: «Lyael, bis ne gu naa, etep ee wo di elεe ε, ye e tsetsε. Wo aabem ba ne mot, etεe naa, wo aadyeebagwyak sa bot di esa ε. Wo lyo e sa Zeeb kwyel ε, ne lyem epiki. To yo beea, ye goka e naa, bot tuud epata e lapo ne mekoozi Sezaad e? Bis tuud “ohoo”, bis natuud?»

¹⁵ Daa Yezu nadi egu mbee mefulu me medjhaaz pe eko, bhimis pe si ε, nye e boozeboza ne no naa: «Etepe ye bi di ekwyel εwa me to mebhawal? Dhaka me ne pata wat, etep me neebεe.»

¹⁶ Be eezεye nye ne pata wat. Yezu eezεdi be naa: «Ko syaa yak, ye e wak εbhwoob ε ze? Ye e ekwyala e din ε ze ε di ko tak?» Bot binok eezεboza ne ne naa: «Ye e ye mekoozi Sezaad.»

¹⁷ Bhii tak, nye eebaazeboza ne no naa: «Djeka Sezaad sa di ye Sezaad ε, da bi e dje Zeeb sa di ye Zeeb ε.» Gwaka be nagwak deenεk ε, be eezεdjoka nye elyεlepe.

Kiya dum ne tep εgom bhis εsyee

¹⁸ ESaduseε, bot ε nadi eke naa, bhis εsyee, bot aanakwaabaagom o, be eezεye yobo pe, pe daa Yezu, zεdji nye naa:

¹⁹ «Lyael, mekana me Moiiiz lee e naa: “Ye be naa, mon nyεεg dhiiti mot eegwyε, aalik mon o, ye goka e naa, mon nyεεg lik o, ba kus myel, etep nye neekwyiida mon nyεεg gwyε aalik bon o”.

²⁰ Beea: Tin, ye be náá, be nadi é bòn mɔ ngɔt bɛtɛn nɛ bɛbá ɔ. Mɔn mɛgwyak eezɛba, da gwyɛ, ààlik mɔn.

²¹ Mot nabɔɔba mɔn mɛgwyak ɔ, kanɔɔ moma bhii kon'ɛ. Tin, nyɛ eebaakpaa nɛ mɛsyee, gwyɛ, ààlik bòn. Ye zokabaasaɛl é tyɛ wat nɛ mot nabaazyɛ bhis yenɔk ɔ.

²² Tin, bɔɔ djas bɛtɛn nɛ bɛbá kadi é ààbya nɛ moma yenɔk. Bhii bɔɔ djas, moma eebaazɛgwyɛ ye pe.

²³ E sok bot aagom bhis ɛsyee ɛ, moma yenɔk aakadi mwaa zɛ, tɔ bɔɔ bɛtɛn nɛ bɛbá? Etɛɛ náá, bɔɔ djas nabe é botom bɛ.»

²⁴ Yezu eezɛbɔɔza nɛ nɔɔ náá: «Bi ààbee tin náá, bi eewo? Etɛɛ náá, bi ààsiiza ɛnyɔɛpe sa di kwyala ɛ, baanɔɔ náá, bi ààgu ghwyil ɛ Zɛɛb.

²⁵ Etɛɛ náá, é ghɛɲ bot aagom bhis ɛsyee ɛ, botom aanákwaakabaaba boa, boa pe àákwaani mɛba, etɛɛ náá, bot djas aadi é, dáa efofop tɔ gwoo.

²⁶ Dum nɛ tɛp ɛgom bhis ɛsyee, bi naalaa tɔ mɛkana mɛ Moiiiz sa Zɛɛb nalɛɛ nyɛ dum nɛ tɛp tak tɔ le nagel, ààdyak ɛ: “Ye é mam, Zɛɛb ɛ Abalaam, Zɛɛb ɛ Izak, nɛ Zɛɛb ɛ Zakɔɔb.”

²⁷ Zɛɛb tok Zɛɛb bɛmyonɲ. Nyɛ é Zɛɛb bot ɛ di nɛ tsik ɔ. Bi ɛpedjak ɛbuɛpe.»

Boo tsi na dil-dil

²⁸ Wɔ gwaa dhiiti ghaa mɛkana mɛ etsi ɛ Zɛɛb nadi egwak dáa Yezu nadi elii nɛ bot binɔk ɛ, zokazɛtiila pɛ daa Yezu, etɛɛ náá, nyɛ naabee náá, Yezu nabe é nɛ gham. Nyɛ é booɛɛdji Yezu náá: «Tɔ etsi e Zɛɛb djas, yaa di dil dhaa bɛsɔ?»

²⁹ Yezu é boozεbɔɔza nε nε náá: «Yii di dil tɔ bεsɔ é: “Gwaka, Yisalaεl, Ghεη Zεεb'enaka, ye tok nε dhiiti Zεεb bhis Ghεη.

³⁰ Da wɔ é kwyel Ghεη Zεεb'ɔ, nε lyem'ɔ djas, nε sisim'ɔ djas, nε esiiza bɔ djas, nε ghwyil'ɔ djas.”

³¹ Beeka yii di du ye ε: “Kwyela sɔ'ɔ mot dáa wɔ di ekwyel nyel'ɔ met ε.” Ye tok nε dhiiti etsi di edhaa binɔk bebá nε mεdil.»

³² Ghaa-mεkana mε etsi ε Zεεb'enɔk eezεke nε nε náá: «Tsetse, lyoel! Wɔ é lεε tsetse náá, Zεεb é ngɔt. Dhiiti Zεεb tok bhii koη'ε.

³³ Etεε náá, ekwyel ε nyε nε lyem'ɔ djas, nε sisim'ɔ djas, nε etselal ε lɔ djas, nε ghwyil'ɔ djas, nε εbaakwyel ε sɔ'ɔ mot, dáa wɔ kwyel nyel'ɔ met ε, ye eedhaa ebuwa e betit, nε esa ee di kanjaa Zεεb ε.»

³⁴ Dáa Yezu nabee dáa mot'enɔk nabɔɔza nε etson djas ε, nyε é boozεlεε nε nε náá: «Eyon ε Zεεb ààtseta nε nɔ.»

Bhii tak bot nadi é, bε moo kyee εdji ε nyε ekiya.

Klisto é mɔn zε?

³⁵ Tin, Yezu epelyo bot tɔ kok Ndjaa-ebuwa, nyε eezεdji bot náá: «É tεp yé bεghan ε mεkana mε etsi di eke náá, Mesia é dha ε Dhavid?

³⁶ Ye nabε é, Dhavid nyε εmet nε ghwyil ε Sisim na Dεε naake náá:

“Ghεη Zεεb nake nε Ghεη'am ε náá:

Dha disi pε mbɔ eghεη bam,

kεkum dwoo mε aalwom bot ε mεbhuka mɔ,

Bε zedhaa si mεko mɔ ε‡.”

³⁷ Dhavid nyε εmet naadjoo nyε “Ghεη”. E yaa tyε nyε aakabaadi dha'ε?»

‡ 12:36 Mεd 110.1

Yezu eezɛdul bot mɛlɔ dum nɛ bɛghan ɛ mɛkana mɛ etsi

Zukamwaa nɛ mot nadi tin ɔ, nadi egwak Yezu nɛ mɛmyaala tɔ elyem.

³⁸ Tɔ mɛlyo mɛ, nyɛ nakeke ɛ náá: «Kyeeka bɛghan ɛ mɛkana mɛ etsi, bot ɛ di ekwyɛl ɛkɛ tɔ bot nɛ eboo elɔbɔ na djaa-djaa ɛ ɛlyaalaa mɛnyel, ɛtɛp bɛ needuwalaa nɛ ɛswosaa ɛ edi ee bot di ɛsɛɛga ɛbuɛpɛ ɔ.

³⁹ Bɛ ɛ bot ɛ di saa mɛbhóó pɛ sok tɔ mendjaa mɛ mendjaala mɛ eYuda nɛ mɛbhoo mɛ bɛdhil ɛ bot tɔ edi e mɛbyon ɔ.

⁴⁰ Bot ɛ di edɛk bɛkus ɛ boa esa tɔ mendjaa nɛ mɛkɔŋ, ɛkwyɛl ɛ bɛ ɛdul ɛ mendjaala “kpɔkɔlɔm”. Epɛɛ bɔɔ aadi ɛ elyɛlɛpɛ.»

Djel kus moma eezɛkaa Zɛɛb

⁴¹ Wɔ gwaa Yezu zɛdisi, ɛbɔɔl sok bhwoob'ɛ ɛtɛp nyɛ neebɛɛ dɔ́a ɛdhuu ɛ bot ɛ di zɛduwal Zɛɛb nɛ esa bɔɔ ɛ. Bɛtɛ nɛ bot ɛ ekum nadi ewa epata ɛbuɛpɛ.

⁴² Wɔ gwaa dhiiti djel kus moma zokazyɛ yɛ sok, zɛlɔ́o yɛ tɔ ɛbɔɔl, nyɛ eezɛwa yɛ ba bɔɔ efalanga ebá.

⁴³ Dɔ́a Yezu nabɛɛ deenɛk ɛ, nyɛ ɛ boozɛdjóo bɛdjekɛl bɛ. Nyɛy nɛ nɔɔ náá: «Tɛɛtɛ nɛ tɛɛtɛ, mɛ lɛɛ bin ɛ náá: Djel kus moma yak eelɔ́o tɔ ɛbɔɔl, dhaa yii bot djas lóo tɔ ɛbɔɔl ɛlak ɛ.

⁴⁴ Etɛɛ náá, bot ɛ lóo wak djas'aak, lóo ɛ eghutu-ghutu. Yɛ kabɛ djel kus moma yak ɔ, nyɛ djɛ ɛkwom ɛ lɛ djas.»

13

Mɛlyo dum nɛ ɛsi ɛ bɔs

¹ Dáa Yezu nadi ewyis tɔ kok Ndjaa-ebuwa ε, dhi-iti djekel'ε ngɔt eezεke nε nε náá: «Lyoel, gwyáka kɔkɔ yak mbi zumal nε mbi yak mεkok e!»

² Yezu zεbɔɔza nε nε náá: «Wɔ eebee mbi eboo zumal mendjaa mak é? Tin, ye aanákwaaboolik εkok ε wat kɛla kɔ sɔ, etεε náá, djas aadi é, bik, waazel, see é bɔs.»

Εκην ε mezuk

³ Yezu eezεdisi kɔ εtsok ε pyeeb oliv, pyeeb tak nadi egwyakel é, nε kok Ndjaa-ebuwa. Pyεed nε Zak, bε nε Zan, zenɔ Andele zokazεdji nyε é ng-woob náá:

⁴ «Lεεa bis, esesεε binek aasaal den? Lyaala bis endem e mεbwala mε bis aagwyak náá, esesεε binek moo kɔ nε εsέε ε.»

⁵ Yezu eezεke nε nɔɔ náá: «Dika nε etson, sa mot ààkɔɔ bin.

⁶ Bεtε nε bot é waazyε nε din ε lam. Bε aake é náá: “Ye é mam é di Mesia!” Bot ε tak é waakwyital εdum ε kɔɲ nε Zεeb yii bot εbuεpe.

⁷ E sok bi aadi, bi moo gwak mεεb nε menduk mε mεεb ε, sa mot àábem ba, etεε náá, ye nyɔ é náá, esesεε binek sael. Yenek djas ààlεε náá, ye é εsi ε bɔs.

⁸ Yak mbyak é waakεghεε, zelumela dεεb nε sɔ, yak εyon nε yak sɔ εyon. Ye bεdhiiti edi kɔ bɔs é waadheegel, za waani kɔ mεl. Yenek djas é ekεn ε εsuula εbya.

⁹ Ye kabε biyɔ bε εmet ɔ, dika nε etson nε menyel min. Bi é waakεpitaa pε daa βetεtεp. Bi é waabiaa nε eghwyεs tɔ mendjaa mε mendjaala mε eYuda. Bi é waakεpitaa pε daa ekukuma nε pε daa

beməkoozi kə əsu ɛ din ɛ lam, étəp bə neebela gham kə len.

¹⁰ Tin, ye goka é náá, Mbəə Bhaadal pookogooel sok kə bəs djas nə tə membyak djas.

¹¹ E sok bə aadi etó nə nen, bə neekəka bin ɛ, sa mot àabem ba nə dāa bi aakətaɲal ɛ. Liika dāa Sisim aadjəed bin é di'enek wat ɛ. Etəə náá, ye tok biyə aakabaalii tin. Ye é Sisim na Dəə paalii é di'en.

¹² Bən mə ngət é waagónel, bəəəg gó bən bəə. Bən ɛ waapit bebyael bəə é əsaa náá, bə djə bə mendjə étəp bə neegóaa.

¹³ Bot djas é waabhina bin étəp din ɛ lam. Ye é mot aamaad lyem kəkum məsik ə, nyəy é aapaa-bela tsik.»

Boo mezuk

¹⁴ «Bi é waabee mot di edjóaaa “etəp e əpes nə bwoo” ə. Bi é waabee nyə, nyə eezetyaa é di nabe náá, nyə aanəkwaadi sok ə. Bot ɛ di egu əlaa məkana ə, goka é nə əgwak náá, bot aadi pə kyee dik Yude ə, kaab, tó pə kə mətsok.

¹⁵ Mot é di kə mii ndjaɲ'ɛ é əwala əlenek ə, sa nyə àəsul, étəp əkənəə dhiiti sonok tə ndjaa.

¹⁶ Mot aadi pə pyeeb é əwala əlenek ə, sa nyə àəsik, kənəə ndjookuwa pə ndjaɲ'ɛ.

¹⁷ Ha kpaa-ghon nə boa aadi nə məbum ə, ha kpaa-ghon nə boa aadi nə bən é mbel dwoo tak ə!

¹⁸ Djaalaka Zəəb, etəə náá, əsonok binek nəkum é mbu kwol.

¹⁹ Etəə náá, məlu menek aadi é, məlu mə mezuk, mezuk mə wat di náá, ye dinaa àəpaakosəə sok, kana dāa Zəəb nalookus bəs'ak ɛ, kəyaka nə dwoo pan mos'ak. Ye aanəkwaadi pə nə dhiiti tak deenek.

²⁰ Gheŋ epedi ààsa náá, melu me tak nàdyeebabɔya ɔ, pe ye tok ne mot aatsak. Ye é kɔ esu e bot e nye nazesée ɔ, melu me tak di ba bim deenek.

²¹ Tin, mot é lee bin náá: “Mesia é wak” neghu nye ke é náá: “Beeka nye di poon'enek” ɔ, sa mot ààmyaal nye,

²² etee náá, bemesia me etsal ne bengooel e mekpa e Zeeb yii mekɔŋ é waatuula ebupe. Be waasa bemevyeekele ne dhiiti endem mebwala, étep ekɔɔ bot e Zeeb nazesée ɔ.

²³ Dika ne etson etee náá, me eezedul bin melɔ.»

Ezye e Sɛɛŋɛle Mɔn Mot

²⁴ «Tin tɔ melu menek, bhii melu me mezuk menek, gwyes é waagwylid, dɔɔ ne ngɔn pe moo ààkakas,

²⁵ ekwyikwyen é waadus tɔ gwoo, bil, esa e menyan djas di tɔ gwoo e, ye waapulel.

²⁶ «É di'enek, bot é waabee Sɛɛŋɛle Mɔn Mot etuula tɔ eguud ne ghwyil ne duma djas.

²⁷ Tin é, nye aakalwom efofop, be neekeseg bot e Zeeb nazesée ɔ, pe tɔ etuma ená yii bɔs, kana pe yak edum e bɔs, keyaka ne pe yak edum.»

²⁸ «Nɔɔka etson ne kana yak, dum ne le fiigh. Ye be náá, elee be moo zebula ebes ɔɔ, eka moo baakwyl e tak ɔɔ, guka náá, mbu gwyes moo kunaa.

²⁹ Ye é tye wat ne biyɔ pe, é sok bi aabee endem binek moo nyen e, guka náá, ebula e Sɛɛŋɛle Mɔn Mot moo zekunaa. Nye moo é é ngwoob ebe e ndjaa.

³⁰ Tsɛetse ne tsɛetse, me lee bin é náá: Bot e kɔkɔ membu mak aanákwaasi, esonok ee di eleeaa djas'aak, ààsael.

³¹ Gwoo nɛ bɔs ɛ waadhaa, yɛ kabɛ mɛkpa ɛ Zɛɛb ɔ, yɛ aanàkwaadhaa.»

Zɛɛb nyɛ ɛmet ɛ di egu dwoo ɛsi ɛ bɔs

³² «Dum nɛ dwoo, nɛ ɛwala ɛ esesɛɛ binek aasaɛl ɛ, yɛ tok nɛ mot ngɔt di gu, efofop tɔ gwoo ààgu, dɔɔ nɛ Mɔn ààgu dwoo tak. Ye ɛ Sɛɛg nyɛ ɛmet ɛ di egu.

³³ Dika nɛ etson, nyanka mis. Djaalaka Zɛɛb etɛɛ náá, bi ààgu ɛlu nɛ ɛwala esonok binek aasaɛl ɛ.

³⁴ Yɛ aadi ɛ, dáa mot di etɔ mɛdjon, lik ndjan'ɛ. Da nyɛ ɛ lik bot ɛ mɛsa mɛ ebaal ndjaa. Tin, nyɛ eezɛkaa mot nɛ mot yɛ mɛsa mɛ nyɛ aasa bhii kon'ɛ ɛ. Bhii tak, nyɛ kalɛɛ sangili di ɛ ɛbɛ ɛ ndjan'ɛ ɔ náá, nyɛ lik ebaal.

³⁵ Nyanka mis, etɛɛ náá, bi ààgu dwoo nakuma ndjan aabula ɛ, nɛghu nyɛ aabula ɛ, bikoko, nɛghu yɛ aadi ɛ, kuku pum, nɛghu yɛ aadi ɛ ɛ bɛkuu ɛ sok, nɛghu yɛ aadi ɛ tɔ mɛlem.

³⁶ Kyeeka, nyɛ ɛ zɛkɛbela bin zaka, biyɔ egɔ.

³⁷ Etɛp ee mɛ di elɛɛ bin'aak, mɛ lɛɛ yɛ ɛ, nɛ bot djas: “Bɛɛka mis.”»

14

Dáa bɛ namɛt Yezu nɛ egɔ nyɛ ɛ

¹ Melu mɛmbá esok nɛ ɛbyon ɛ Pak nɛ yii bɛ nadi ededɛ emapa ààbɛ nɛ leviid ɛ kan, eboo bɛghaa-Zɛɛb nɛ bɛghan ɛ mɛkana mɛ etsi nadi esaa mɛpek étɛp bɛ neemɛt Yezu tyee syaab, étɛp bɛ neegɔ nyɛ.

² Bɛ nadi eke ɛ náá: «Yɛ ààgoka nɛ ɛsɛɛ ɛ dwoo ɛ ɛbyon, ekaab náá, yɛ ɛ zɛkɛkus ɛghuub tɔ zukamwaa nɛ mot dwoo ɛbyon.»

Dhiiti moma eezɛso mɛnanas kɔ lo ɛ Yezu

³ Dáa nyε nadi pε Bhetani tɔ ndjan ε Simɔŋ na εbé ε zezam ε, tin bɔɔ kɔ mesa ede edee, wɔ gwaa, dhiiti moma zeni tɔ ndjaa tak nε bεεb nasaεl nε εkok ε albat ε, «tɔɔɔ» nε mɛnanas na boo mɛtan. Mɛnanas mε tak nasaεl é, nε mɛdii mε dhiiti le na mbεε mɛnuub di djóaaa naad ε. Ye nabε é, ààpuuzaaa nε dhiiti sonok. Wɔ gwaa, moma tak zεkɔ elas ε tak, so kɔ lo ε Yezu.

⁴ Bɛdhiiti bot ε nadi bε nε bε nɔɔ ɔ, naadyee-babyen sa tak. Bhii tak, bε moo nyiinɛla pak'ɔɔ: «Yak é yaa puluk mɛnanas?

⁵ Ye waagoka é náá, bε bɔmsa mɛnanas mε tak nε epata mɛkam-mɛtɛn nε wat*, da é nɔɔ epata e tak, djε bɛdjel ε bot!» Tin, bε moo byak moma yenɔk εbiyɔεpe.

⁶ Wɔ gwaa, Yezu zεke náá: «Betka moma yak gwyem. Etɛp yé bi di ezem nyε? Sa nyε sa kɔ εsu ε lam ε, ye é εnyɔεpe.

⁷ Etεε náá, bi nε bɛdjel ε bot é waadi mɛlu djas é di wat. E sok djas bi aakwyɛl ɛlyaal bε ghwyik-wyee ε, bi é nε ghwyil εsa. Ye kabε mam ɔ, bi aanákwaakabaadi nε nam mɛlu djas é di wat.

⁸ Moma yak eesa tɛŋa nyε sa ε: nyε eelɔɔb mε mul é nyel, mam dinaa ààgwyε, ekoobal ndela yam.

⁹ Tɛɛtɛ nε tɛɛtɛ, mε lεε bin é náá: Kɔ edi djas Mbεε Bhaadal aadi egoolaa kɔ bɔs ε, tɛp moma yak é waakaadaaa mɛdhik nε mɛdhik. Tin, bot é waataala mɛnyɔ mε mesa mε.»

Yudas Iskaliɔt ɛpekwyɛl ezeka Yezu gha

* **14:5** Epata mɛkam-mɛtɛn nε wat lyaal ε, mɛtan mε etuud ee mot di egoka nε ɛdɛaa bhii mesa mε tu mbu ε

¹⁰ Yudas Iskaliot, ngɔt tɔ bɛdjekel kam nɛ bɛbá ε Yezu, naazetó pɛ daa eboo bɛghaa-Zɛɛb étɛp nyɛ neekɛka Yezu.

¹¹ Tin, yɛ nabɛ é eboo bɛghaa-Zɛɛb naadyee-bamyaala é ghɛɲ bɛ nagwak lɛɲ tak ε. Wɔ gwaa, bɛ zɛkɛk Yudas epata. E di'enek, Yudas kadi tin é, nyɛ moo saa mɛpek étɛp nyɛ neeka bɛ Yezu.

Yezu eezɛdɛ ɛbyon ε Pak bɛ nɛ bɛdjekel bɛ

¹² E dwoo mɛkɛn mɛ ɛbyon ε emapa ààbɛ nɛ leviid, dwoo tak é bɔn ε ebhata e Pak di etsakaa, bɛdjekel ε Yezu zɛke nɛ nɛ náá: «Wɔ kwyɛl náá, bis kɛkoobal wɔ di mena aadɛka edee e ɛbyon ε Pak wo é?»

¹³ Tin, Yezu é boozekeyeed dhiiti bɛdjekel bɛ bɛbá pɛ sok. Nyɛ nɛ nɔɔ náá: «Tóka pɛ dɛl. Bi é waaboma nɛ dhiiti mot ebɛp bhe mɛdii. Duka nyɛ.

¹⁴ E di nyɛ aadjɛl ɔ, lɛɛka nakuma ndjaa náá: «Lyoel ke é, bis dji náá, di bi ekoobal nyɛ yɛ ε étɛp nyɛ neezɛdɛ ɛbyon ε Pak, bɛ nɛ bɛdjekel bɛ tɔ tak é wo é?»

¹⁵ Tin, nyɛ waalyaal bin pɛ εko ε ndjaa, boo koo koobela nɛ esa djas tɔ tak. Tin ε, bi aasa esesɛɛ e ɛbyon ε Pak.»

¹⁶ Bɛdjekel eezetó pɛ dɛl ε tak. Bɛ kabɛla djas ε dáa Yezu nalɛɛ bɛ ε. Bhii tak, bɛ eezɛkan ekoobal ε ɛbyon ε Pak.

Yezu eelɛɛ náá, Yudas é aapaaka nyɛ

¹⁷ Bikoko Yezu eezɛzyɛ, nyɛ katuula lɔɔg wat nɛ bɛdjekel bɛ kam nɛ bɛbá.

¹⁸ Dáa bɛ nadi kɔ mesa edɛ ε, Yezu é boozeke náá: «Tɛɛtɛ nɛ tɛɛtɛ, mɛ lɛɛ bin é náá, ngɔt pak'en é waaka mɛ. Ye é mot bis nɛ nɛ di duu mbɔ tɔ saan wat ɔ.»

19 Bɛdjekɛl djas moo tin nɛ ghon tɔ elyem, bhii tak, bɛ ɛ boozɛdji nyɛ ngɔt-ngɔt nɛ́á: «Ye ɛ mam ɛ?»

20 Yezu eezeɓɔɔza nɛ nɔɔ nɛ́á: «Ye ɛ mot ngɔt pak'en, tɔ biyɔ kam nɛ bɛbá. Ye ɛ mot di eduu mbɔ tɔ saan wat nɛ nam ɔ.

21 Ye ɛ tsɛɛtsɛ nɛ́á, Sɛɛɲɛlɛ Mɔn Mot ɛ waagwyɛ, dɛ́a ekwyaɔa di elɛɛ kɔ ɛsu ɛ lɛ ɛ. Tinaak, ha kpaa-ghon nɛ mot aakeka nyɛ ɛ mɛmbɔ mɛ bɛmbɛɛ ɛ bot ɔ. Ye nabɛ ààgoka nɛ́á, mbi mot deenek byel-byelak!»

Nyel nɛ ghiya ɛ Yezu: kɔminyɔŋ

22 E ghɛŋ bɛ nadi edɛ ɛ, wɔ gwaa Yezu zɛnɔɔ mapɔ, zɛghaapɛɛ Zɛɛb tɔ mendjaala. Bhii tak, nyɛ eezeɓɔɔ mapɔ, djɛ bɛdjekɛl bɛ. Nyɛy nɛ nɔɔ nɛ́á: «Nɔɔka yɛ. Bi ɛ dɛ etɛɛ nɛ́á, ye ɛ nyel'am.»

23 Bhii tak, nyɛ eezeɓɔɔ bɛɛɛ nadi nɛ vin tɔ tak ɛ, baaghaapɛɛ Zɛɛb. Nyɛ eezeɔdɛ bɛdjekɛl bɛ, bɛ dɛ. Tin, bɔɔ djas eezeɔɛ.

24 Nyɛy nɛ nɔɔ nɛ́á: «Yak ɛ ghiya yam, ghiya ɛbhɛŋ aaseɛ étɛp bot ɛbuɛpe ɛ.

25 Tsɛɛtsɛ nɛ tsɛɛtsɛ, mɛ lɛɛ bin ɛ nɛ́á: Mɛ aanàkwaabaadɛ mɛdii mɛ bhum vin, kana mos, keyaka nɛ dwoo mɛ aabaadɛ dɛa sis tɔ ɛyɔŋ ɛ Zɛɛb ɛ.»

26 Bhii tak, bɔɔ zokazɛduwal Zɛɛb nɛ mɛdjeɛb. Wɔ gwaa, bɛ zɛtɔ pɛ ɛtsok ɛ pyɛɛb oliv.

Yezu eezeɛɛ nɛ Pyɛɛd nɛ́á, nyɛ waaswonal nyɛ

27 Yezu eezeɛke nɛ bɛdjekɛl bɛ nɛ́á: «Biyɔ djas ɛ waakaab mɛ mos, etɛɛ nɛ́á, tɔ mɛkana mɛ Zɛɛb, ye kwyalaa ɛ nɛ́á: “Mɛ waamyak mbaaleɛ etaa, ɛsaa djas ɛ waawyyɛɛza na gwyiɪŋ†.”»

† 14:27 Zai 13.7

28 Tin, Yezu baabil náá: «Bhii me aagom ε, me waató kebwood bin pe sok, pe Ghalile.»

29 Pyeed zokake ne ne náá: «Ye be náá, bot djas é waakaab wɔ ɔ, mam aanákwaakaab wɔ.»

30 Wɔ gwaa Yezu zebɔɔza ne ne náá: «Tseetse ne tseetse, me lee bin é náá: E pum'ak mos, esok ne bekuu ne kɔk esok ebá, ye aabela é, wɔ eezeswonal me esok elɛl.»

31 Pyeed eezeben gwood, lee ne Yezu náá: «Me tok ne ghwyil eke ne bot náá, me ààgu wɔ. Ye be esyee ɔɔ, me epemyaal náá, menabel bebá gwyɛ.» Tin, bedjekel djas nabe é ekpa ε wat.

Yezu epedjaala pe Ghetesemani

32 Bhii tak, be eezekum pe dhiiti mɔɔ sum di, din ε di tak nabe é Ghetesemani. Dáa be nakum ε, Yezu é booke ne bedjekel be náá: «Dika si wak. Me pookotiila poon, kedjaala Zeeb.»

33 Tin, nye kanɔɲ é Pyeed, ne Zak, zenɔɔ Zan, tó ne nɔɔ. Ye nabe é, keɲ ne bwɔɔ moo sa nye.

34 Nye eezake ne nɔɔ náá: «Sisim'am é tɔ ghon, kana nenak, keyaka ne ewala esyee. Likeka wak, nàdjaka gɔ, djaalaka Zeeb.»

35 Bhii tak, nye eezetiila ba etsetape pe sok, zeduma mebon si, nye moo djaala ne Zeeb náá, Zeeb dis mezuk menek sok bhwoob'ε, nye kwyɛl ɔɔ.

36 Nye nadi eke é náá: «Bhaaba saag'am, me ne gu náá, wɔ é ne ghwyil esa esonok djas. Disa pe sok bhwoob'am baka mezuk mak. Tin, ye goka é náá, ekwosak ε lɔ sael, ààkabe ekwosak ε lam.»

37 Bhii tak, nye eezenɔɔ nyel, sik pe nye nalik bedjekel be ε. Nye kazebela é, bɔɔ é ego. Nye é

boozεke ne Pyεed náá: «Simɔŋ, wɔ eedja ɔ! Wɔ ààpakodi mis membek ewala ε wat é?

³⁸ Djemka, dika dwooz, djaalaka Zεb, etεε náá, bi é zεkekwyε tɔ mεbhowal. Sisim é ne ghwyil elooba, kabela é náá, epuud ne sa elete.»

³⁹ Nyε eebaasik pe kyee nyε nadi sok ε. Nyε eebaazεdjaala dáa nyε nadjaala Zεb sok ε.

⁴⁰ Yezu eebaazεbula pe nyε nalik bedjekel be ε. Nyε kabaazobela be é é ego, etεε náá, mis mɔɔ nadi é, εdilεpe. E di'enek, be moo «yooo», ààkabaabɔɔza ne Yezu.

⁴¹ Yezu baazεbula yak kɔkɔ tyee esok elɛl, bɔɔ é ɔ. Nyε eezεke ne nɔɔ náá: «Bi dinaa edja ɔ? Bi dinaa ewala? Ye eedjala! Ewala ε Sεɛŋεε Mɔn Mot moo zεseebaa é mεmbɔ mε bot ε mesyem ε, ye eezedjala.

⁴² Wyεlka, ghεeka mεnyel. Mena tɔka, etεε náá, mot aaka mε ɔ moo zεkunaa ne nena.»

Yezu eezεmεtaa

⁴³ Ye nabela é, Yezu dinaa elii, é di tak wat, Yudas, ngɔt tɔ bedjekel be kam ne bebá eezεtuula ne εdhuu ε bot ne epɛl ne ebhil e ele é mεmbɔ. Ye nabe é, eboo beghaa-Zεb, ne beghan ε mεkana mε etsi, zεnɔɔ bepaa ε eYuda nalwom be ɔ.

⁴⁴ Kabela tin é náá, Yudas, mot naka be Yezu ɔ, nabe é, nyε naalyaal be geka be nawaagwyak Yezu ne ye ε. Nyε nabe é, nyε eezεεε ne nɔɔ náá: «Bi zobee é, mot mε aakebeedal ɔ, ye é nyεy. Mεtka nyε “gbak”, da bi é tɔ ne ne.»

⁴⁵ Dáa Yudas ne bot be natuula é, nyε eezεtiila pe daa Yezu. Nyε eezεke ne ne náá: «Lyœl!» Bhii tak, nyε eezεbeedal nyε.

46 Bhii tak, bot ε nazyε be ne Yudas ο, be eezemet nye.

47 Tin, mot ngot tο bot ε nadi é di tak ο, naazewaal pεl tο pεp, tsaal εlο ε mot nadi esesa mesa pε daa boo ghaa-Zεεb ο.

48 Wο gwaa, Yezu zεlii ne nοο náá: «Mε kabε é mot εzem étεp bi neezyε, zεmet mε ne epεl ne ebhil e ele é?

49 Mε tok wak melu djas tο len elyo tο kok Ndjaa-ebuwa, bi nadi ààmεt mε étεp yé? Sa bi sa'aak, ye é etεε náá, etεp ee nakwyalaa tο mεkana mε Zεεb, dum ne nam ε neebela εsuk.»

50 Tin, bεdjekel djas eezεghuma ne ekaab «gbes», lik Yezu é mεmbο mε bot binok.

51 Dhiiti ngbaaz ngot nadi edu be pε bhis, zuka ne kaad nye nabε ne ye é nyel ε, ye nabε é kaad εsoa kο gon. Wο gwaa bot ε tak zesuu εmet mοο ngbaaz tak,

52 nye eezεkaab, lik be kaad tak é mεmbο, nοο nyel'ε, tο ben toto «syεεε».

Yezu sok bhwoob boo kwan eYuda

53 Be eezetο ne Yezu pε kο εbesεε ndjaa boo ghaa-Zεεb, pε di bhoma bot ε nadi kο elo e bεghaa-Zεεb ο, ne bεpaa ε eYuda, zenοο bεghan ε mεkana mε etsi.

54 Pyεed nadi edu-du nye εtsetaεpe, batakeni tο εbesεε ε boo ghaa-Zεεb. Nye eezedisι egοol du, be ne bot ε nadi ebaal ndjaa tak ο.

55 Eboo bεghaa-Zεεb ne bεdhiiti bot ε boo kwan eYuda nadi esaa embee etεp di náá, ye é ne ghwyil εdje Yezu ndje ε, étεp be neegο nye, be kadi é, ààbela sonok.

56 Etεε náá, bot εbuepe nadi ezezyε, zesu etεp e mεkοη kο εsu ε lε. Saabεgοs kabε é náá, bοο djas kadi é, ààbε lεη wat.

⁵⁷ Bɛdhiiti wyɛl, zokazyɛ, zɛsu nyɛ tɛp. Bɔɔ náá:

⁵⁸ «Bis naagwak nyɛy eke náá: “Mɛ waabo kok Ndjaa-ebuwa bot nasum'aak. Bhii tak, mɛ kasum é, dhiiti ndjaa sis. Zumal tak aabɔya melu melɛ. Yiizaag aanákabaadi zumal mɛmbɔ mɛ bot.”»

⁵⁹ Ye kabela tin é, bɛtɛ nɛ bot é napookozyɛ sok, zɛpit nyɛ ɔ, nabe é ààbɛ nɛ tanal wat.

⁶⁰ Tin, boo ghaa-Zɛɛb eezɛwyɛl kuku ɛdhuu ɛ bot binɔk, zɛdji Yezu náá: «Tɔ mɛpita mɛ bot bak zɛpit wɔ ɛ, wɔ ààkatanal yɔ é!»

⁶¹ Yezu zokadi é gwyem, ààlii.

Boo ghaa-Zɛɛb baazɛdji nyɛ náá: «Yɛ wɔy é di Mesia, Mɔn Zɛɛb sɛɛ mɛtel é?»

⁶² Tin, Yezu eezɛbɔɔza náá: «Hɛɛɛ, ye é mam. Bi é waabee Sɛɛɲɛɛ Mɔn Mot ndiindil pɛ mbɔ eghɛɲ mɛbwala ɛ Zɛɛb, ezyɛ tɔ eguud tɔ gwoo.»

⁶³ Tin, wɔ gwaa, boo ghaa-Zɛɛb zɛnyaa ekaad bɛ‡. Nyɛ eezɛke náá: «Dum nɛ yak, menaka é nɛ gwyɛs náá, bot zɛɛɛ mena sa nyɛ di esa ɛ?

⁶⁴ Bi eegwak dáa nyɛ di ebyasal Zɛɛb ɛ! Bi bee dáa?» Bɔɔ djas eezɛbɔɔza náá, nyɛ é nɛ ndjɛ, nyɛ goka é nɛ esyee.

⁶⁵ Bɛdhiiti bot moo tin esɛɛ Yezu mɛtel é nyɛl. Bɛ moo tin é zɛbutal nyɛ bhwoob, nɛ tu nyɛ nɛ ekuta. Bɔɔ nɛ nɛ náá: «Nan! Ɛzɛ sa wɔ deenek!» Tin, bebaalel ɛ Ndjaa-ebuwa, moo tin epak nyɛ mɛbhɛɛz.

Pyɛɛd eezɛkɛla Yezu

‡ **14:63** Tɔ etsi e Moiz, ye nabe é ààgoka náá boo ghaa-Zɛɛb nyaa ekaad é mis mɛ bot deenek.

⁶⁶ E ewala ε Pyeed nadi pe si kɔ ebeseε ε, dhiiti moma nadi esa mesa tɔ ndjan ε boo ghaa-Zeeb ɔ zεzyε tin.

⁶⁷ Dáa nye nabee Pyeed egɔɔl du é di tak ε, nye eezεgwyak Pyeed. Bhii tak, nye eezεke ne ne náá: «Dɔɔ ne wɔy pe, wɔ nagyegyee é, bi ne Yezu, mot Nazaret é?»

⁶⁸ Wɔ gwaa Pyeed zεkela. Nyey náá: «Mε ààgu sa wɔ di elii'enek. Mε àànyɔ εgwak ye.» Bhii tak, Pyeed eezεswoola di, tɔ pe peeb ebeseε, tɔ, ketyaa pe eniel. [Tin, wɔ gwaa kuu zεkɔk.]

⁶⁹ E di'enek, moma tak eebaazebee nye, nye moo tin elεε bot ε nadi tin ɔ, náá: «Mot tak é ngɔt tɔ bedjekel be.»

⁷⁰ Pyeed eebaazεkela nye, kela sis. Bhii tak, dɔɔ ne bot ε nadi be ne be nɔɔ tin ɔ, baazεke ne Pyeed náá: «Ye é tsεεtse! Wɔ é mot'ɔɔ etεε náá, wɔ é mot kyee dik Ghalile.»

⁷¹ E di'enek, Pyeed tɔ ekela tεp. Wɔ gwaa, nye moo tin etsaal tsun é mis ε Zeeb: «Zeeb pe εko! Mε ààgu mot bi di eke ne nam'enɔk.»

⁷² Batsa deenek, kuu eebaakɔk tyee kɔka esok ebá. Tin, wɔ gwaa Pyeed zεtaala sa Yezu naleε nye ε. «Esok ne bekuu ne kɔk esok ebá, ye aakabela é, wɔ eezεkela mε esok elεl.» Bhii tak, Pyeed eezεkek ne εgwyε yenek.

15

Yezu sok bhwoob ε Pilat

¹ Tɔ melem keεη, eboo beghaa-Zeeb, ne bepaa eYuda, zenɔɔ beghan ε mekana mε etsi, naazεboma étεp εdjek tεp tak. Ye nabe é boo kwan eYuda. Bhii

bε namεt Yezu ε, bε é boo zεkəl nyε mεmbɔ. Bhii tak, bε eezεtɔ nε nε pε daa Kukuma Pilat.

² Kuma bε nakum nε Yezu ε, wɔ gwaa, Kukuma Pilat zεdji nyε náá: «Ye é wɔy é di mεkoozi mε eYuda?» Yezu zεbɔɔza nε nε náá: «Hεεε ye é dáa wɔy wɔ emet ke'enek.»

³ Wɔ gwaa, eboo bεghaa-Zεεb zεsu nyε zukamwaa nε etεp.

⁴ Tin, kukuma Pilat eebaazεke nε nε náá: «Wɔ ààkatanal é? Gwaka etεp djas ee di ekeaa náá, ye é wɔy é di ekus ε.»

⁵ Yezu ààkobɔɔza nyε yenek. Wɔ gwaa, Pilat djoka nyε.

Bε eezεpée Yezu epée e εsyee

⁶ E ghεη mεbyon mε ePak djas, Pilat nabebe é nε mεfulu mε epel mot membok ngɔt, da nyε é wyiselaa é membok. Edhuu ε bot é naadi esée, mot Pilat aawyisal é membok ɔ.

⁷ E ghεη tak, é membok, ye nabe é nε dhiiti mot ndiila. Din ε lε nabe é Bhaalabas. Nyε namεtaa é lɔɔg wat, bε nε bot ε nabe boo dho nagó mot ε.

⁸ Tin, edhuu ε bot ε nadi tin ɔ, zokazεbyet, tó pε daa mεkoozi étεp εkεdji nyε náá, nyε sa, dáa nyε bela nε esesa sok ε, nyε bet mot membok ngɔt.

⁹ Dáa Kukuma Pilat nabee deenek ε, nyε eezεbɔɔza nε nɔɔ náá: «Bi kwyel é náá, mε wyisal mεkoozi mε eYuda é?»

¹⁰ Etεε náá, Pilat nadi egu náá, Yezu nawaaa é membok ε étεp mbee lyem eboo bεghaa-Zεεb.

¹¹ E di'enek, eboo bεghaa-Zεεb nabe é, bε moo besal edhuu ε bot bε lεε nε Pilat náá, ye goka é, nyε wyisal bε Bhaalabas.

12 Pilat eebaazεke ne nɔɔ náá: «Bi kwyel náá, me sa mot bi di edjóo mekoozi me eYuda ɔ, dáá?»

13 Edhuu ε bot eebaazetsim: «Bemka nye é melaaba!»

14 Pilat eezedji be náá: «Yaa esesεε ebiyo nye sa?» Wɔ gwaa, be baazetsim elyεlepe: «Bemka nye é melaaba!»

15 Dáa ye nabe náá, Pilat nadi ekwyel edje be sa elyem bɔɔ nadi ekwyel ε, nye é boowyisal be Bhaal-abas. Tin, bhii nye nalwom náá, Yezu nyunɔaa ne eghwyεs ε, nye é boodje be nya, éteɸ be neekεbem nye é melaaba.

Yezu eezεbetaa kɔɔ meɸak

16 Esodja zokazetɔ ne Yezu kɔ εbesεε ε bil ε kukuma Pilat. Bhii tak, be eezedjóo edhuu ε esodja djas, zesεεg be.

17 Be eezεbet Yezu ndjookuwa na tɔɔbelaa. Be eezεpyeed nye kel meɸak, sɔm nye ye ε lo dáa kɔɔ mekoozi.

18 Be moo tin eswos nye meswosel me meduka: «Me eswos wɔ, mekoozi me eYuda!»

19 Bhii tak, be moo nyuu nye é lo ne le ghwaazok, esεε nye metel é mis, ekwyit meɔɔn ne εmalal sok bhwoob'ε.

20 Bhii be nazeduk nye deenek ε, bɔɔ zokazedis nye ndjookuwa na tɔɔbelaa be nabet nye ε, be eezεbulal nye ndjookuwa nye nadi ne ye sok ε. Bhii tak, be eezεwyis ne ne, éteɸ be neekεbem nye é melaaba.

Yezu eebemaa é melaaba

21 Wɔ gwaa, be zedje dhiiti mot nadi edus ye ɸe pyeeb ɔ, nye kwyee Yezu é εɔɸ ε melaaba nye aakεbemaa é tak ε, ne bhel. Din ε mot tak nabe é

Simōn, mot dɛl ɛ di djóoaa Silɛn ɛ. Nyɛ nabe é sɛɛg ɛ Alekzandɛl nɛ Lufus.

²² Tin, bɛ eezɛtɔ nɛ Yezu pɛ dhiiti di bɛ nadi edjoo Ghologhota ɛ. Din ɛ tak kwyɛl ɛlɛ «Di Bhoobo Lo».

²³ Tin, bɛ eezɛkwyɛl ɛdjɛ Yezu mɛnyok puuza nɛ dhiiti ngwyɛl bɛ di djoo miid ɛ, Yezu eezɛpɛɛ ɛdɛ.

²⁴ Bhii tak, bɛ eezɛbem nyɛ é mɛlaaba*. Bot ɛ nadi tin ɔ, zokazɛkaa ekaad bɛ, bhii bɛ nazesa ɛgwyɛg ɛtɛp bɛ neesɛ mot aanɔ kaad tak ɔ.

²⁵ Bɛ nabem nyɛ é mɛlaaba é, é ɛwala ɛtɛn nɛ ená yii mɛlem.

²⁶ Ekwyala ee nadi elɛɛ ɛsuk ɛ bɛ nabem nyɛ é mɛlaaba ɛ, nakwyɛl ɛlɛɛ náá: «NYɛ é MɛKOOZI Mɛ EYUDA.»

²⁷ Bɛ nabem nyɛ é mɛlaaba é, nɛ bot ɛ djii bebá: ngɔt pɛ mbɔ e ghen; nwyak ngɔt pɛ mbɔ ɛmyɛl. [

²⁸ Deenek é esesɛɛ djas nadi kwyala ɛ, nabela ɛsuk: «Bɛ nabee nyɛ é tyɛ ngɔt nɛ bɛmbɛe e bot†».]

²⁹ Bot ɛ nadi edhaa tin ɔ, nadi ego nyɛ, bɔɔ esyaal elo, edji náá: «Hee! Wɔy mot di náá, wɔ é nɛ ghwyil ɛwaaz kok Ndjaa-ebuwa, da wɔ é baasum tɔ mɛlu mɛlɛl ɔ,

³⁰ tsika nyɛl'ɔ wɔy wɔ ɛmet. Sula kɔ mɛlaaba mɛ wɔ di bema kɔ tak'enek!»

³¹ Tyɛ wat nɛ eboo bɛghaa-Zɛɛb nɛ bɛghan ɛ mɛkana mɛ etsi moo tin ekwyii nyɛ náá: «Nyɛ ɛpetsik bot, nyɛ tok nɛ ghwyil ɛtsik nyɛl'ɛ nyɛ ɛmet!

³² Mɛsia, mɛkoozi mɛ bot ɛ mbyak Yisalaɛl, kasul kɔ mɛlaaba bɛ bem wɔ é tak ɛ, ɛtɛp bis neebɛ, bhii tak, da bis é dum kon nɛ nɔ!» Dɔɔ nɛ bot ɛ nabemaa bɛ nɛ bɛ nɔɔ ɔ, nabaadi é, elee nyɛ.

* **15:24** Mɛlaaba é ebhil e ele ebá syaza Yezu nabemaa kɔ tak ɛ, ee esodja e Lom nadi gó bot nɛ yɛ ɛ. † **15:28** Eza 53.12

Esyee ε Yezu

³³ Dáa ye nadhaa mɛwala mɛlɛl bhii kuku mwos ε, wɔ gwaa, εgwyitok zεgwyiidela kɔ εko ε bɔs djas, εgwyitok ɛlenek naabɔya, kɛkum ɛwala elɛl yii bikoko.

³⁴ Tin, ɛ ɛwala ε tak wat, wɔ gwaa Yezu zεbo tsim: *Eloyi, Eloyi, lama sabatani?* Ye kwyɛl ɛlɛɛ ɛ náá: «Zɛɛb saag'am, Zɛɛb Saag'am! Etɛp yé wɔ bet mɛ mam mɛ ɛmet deenek?»

³⁵ Dhiiti mot tɔ bot ε nadi tin ɔ, zokagwak dáa Yezu nalii ε. Nyey nɛ bɛsɔ náá: «Gwakeka! Nyɛ ɛpedjóo Eli!»

³⁶ Mot ngɔt pak'ɔɔ eezɛwyis kaab, kɛnɔɔ pes kaad, kɔl e le ghwaazok, duu ye tɔ mɛnyok mɛ na bwaaz-bwaaz. Bhii tak, nyɛ eezɛsɛɛb Yezu ye ε, nyɛ needɛ. Wɔ gwaa nyɛ baake nɛ nɔɔ náá: «Betka, djhooka beeka nɛghu Eli ɛ waazyɛ, zedis nyɛ ɛ mɛlaaba!»

³⁷ Tin, bhii Yezu bo boo tsim ε, nyɛ naazɛsil eswos.

³⁸ E di'enek wat, wɔ gwaa boo lɛmbɛ na pip-pip nadi tɔ Di na Dɛɛ, di ebɛk dhɛɲ nɛ koo tɔ Ndjaa-ebuwa ɔ, zokanyɛɛ kuku tak, kan pɛ εko, kɛkum pɛ si.

³⁹ Dáa mot di kɔ lo esodja nadi pɛ sok bhwoob ε Yezu, nabee dáa Yezu nasil eswos deenek ε, nyɛ eezɛke náá: «Nɛ tsɛɛtsɛ, mot'ak nabe ɛ Mɔn ε Zɛɛb.»

⁴⁰ Ye nabaabe pɛ ɛ, nɛ boa nadi ebee etɛp binek ɛtsetaɛpɛ ɔ. Boa ε tak nabe ɛ: Maali, moma dɛl ε Makdala, nɛ Maali, nyɛɛg ε Zak yii mɔɔ dhyeeb bɛ nɛ Yosɛs, zɛnɔɔ Salome.

⁴¹ Ye nabe ɛ, boa nadi egyee e lɔɔg ε Yezu ɔ, ye ɛ bɔɔ ɛ nadi edjedjaabal Yezu ɛ ghɛɲ bɛ nadi pɛ kyee dik Ghalile ɔ, zɛnɔɔ bɛdhiiti bɛtɛ nɛ boa natɔ

pε Yeluzalem be ne be nɔɔ lɔɔg wat étɛp be neekwyyi-kwyee nyε ne mɛsa ɔ.

Muu ε Yezu eekɛwaaa tɔ evit

⁴² Dáa ye nabε náá, dwoɔ moo é bikoko ε, ye nagoka é náá, mot ne mot kε εkoobal yε esesεε etεε náá, mɛlem mε nadi du dwoɔ tak ε, nabε é mɛlem mε dwoɔ saba.

⁴³ Tin, wɔ gwaa dhiiti mot, din ε lε nabε é Zozεf, nyε nadi é mot dɛl Alimate. Nyε nadi é, ngɔt tɔ bɛdhil ε bot ε boo kwan eYuda. Yε mɛfulu nabε é àadjala ne yii bεsɔ. Nyε nabε é ne εbwaalel ε ebee ε Eyon ε Zεeb. Wɔ gwaa nyε zεtɔ, kɛwaab muu ε Yezu pε daa Kukuma Pilat.

⁴⁴ Tin, Pilat eezɛdjoka dáa Yezu naleegwyε kaab deenek ε. Bhii tak, nyε eezɛdjoo mot nadi kɔ elo e esodja be ɔ, nyε é boozɛdji nyε náá: «Yezu eeloogwyε mos é?»

⁴⁵ Bhii nyε nagwak bɔɔza mot nadi kɔ elo e esodja náá, be nalεε nyε tsɛtse náá, ye nabε é Yezu naazegwyε é, nyε é boozɛdje Zozεf mot Alimate muu ε Yezu.

⁴⁶ Bhis Zozεf nakabɔm bheeza na puu ε, nyε é boozεsil muu ε Yezu é mɛlaaba. Bhii tak, nyε eezɛpil muu'ε tɔ bheeza tak. Tin, nyε eezεnɔɔ yε, kɛwa tɔ evit ε be nabwak tɔ εkok ε. Bhii tak, be é boozɛdiyal ebe ε evit ε tak ne boo εkok ε be nakpak étɛp tak ε.

⁴⁷ Ghuna Maali, moma dɛl ε Makdala, ne Maali, nyεεg ε Yosεs, nadi ebee di be nawa muu ε Yezu ε.

16

Yezu eegom bhis εsyee

¹ Dáa dwoo saba nadhan ε, wə gwaa Maali, moma dɛl ε Makdala, nɛ Maali, nyɛɛg ε Zak, zɛnɔɔ Salome zɛtɔ́, kɛbɔm bɛmul ε na mbɛɛ mɛnuub ɛtɛp bɛ neekɛlɔɔb yɛ é muu ε Yezu.

² Tɔ ghooghom mɛlem dwoo mɛkɛn mɛ yenga, bɛ eezɛghɛɛ mɛnyɛl, zɛtɔ́ pɛ mɛvit.

³ Bɛ moo tin elii pak'ɔɔ: «Bɛ zɛ aakobinjal mena ɛkok ε bɛ diyal ɛvit nɛ yɛ ε nenak é?»

⁴ Dáa bɛ kaben mis, gwyák pɛ sok ε, bɛ kabee é, boo ɛkok ε bɛ nadiyal ɛvit nɛ yɛ ε, yɛ eezɛbinɛlaa, yɛ moo é ngwoob ɛvit.

⁵ Wə gwaa bɛ zɛni tɔ ɛvit, bɛ kabee é, dhiiti mɔɔ ngbaaz ndiindil pɛ mbɔ eghɛɲ nɛ kaad na puu é nyɛl. E di tak wat, bwɔo eezɛmɛt bɛ.

⁶ Mɔɔ ngbaaz tak é boozeke nɛ nɔɔ náá: «Sa mot ààbɛm ba! Bi sanj é Yezu, mot Nazalɛt, nabemaa é mɛlaaba ɔ. Nyɛ eezɛgom! Nyɛ tokapɛ wak. Beeka di bɛ nakɛl nyɛ ɔ.

⁷ Tɔka, kɛlɛɛ nɛ bɛdjɛkel bɛ nɛ Pyɛɛd náá: “Nyɛ eetɔ́, kɛbwood bin pɛ Ghalile. Ye é penek ε bi aakɛboma nɛ nɛ dáa nyɛ nalɛɛ bin ε.”»

⁸ Bhii tak, bɛ eezɛwyis tɔ ɛvit, zɛsum kaab é gbakeba ɛtɛɛ náá, bɛbɛbwol naasa bɛ. Wyisa bɛ nawyis tin ε, kaab wat, ààlɛɛ bot ɛtɛp bwɔo bɛ nadi nɛ yɛ ε.*

Yezu eezɛtɛl nyɛl nɛ Maali, moma dɛl ε Makdala

⁹ [Yezu eezɛgom tɔ mɛlem mɛ ɛlu ɛkɛn e yenga, nyɛ nakan ɛlyaal nyɛl'ɛ é nɛ Maali, moma dɛl ε Makdala, moma nyɛ nasɔ embɛɛ esisim ɛtɛn nɛ ɛbá tɔ lɛ ɔ.

* **16:8** Malak nasik nɛ Mbɛɛ Bhaadal yɛ é wak. Ekwyala ɛɛ kalik'aak tok tɔ bɛmɛkana bɛ na mwa djas.

¹⁰ Wɔ gwaa Maali tak kelɛɛ etɛp e tak nɛ bot ɛ nadi bɛ nɛ Yezu ɔ. Bɛ nadi ɛ, tɔ ghonj nɛ mɛgwyɛ.

¹¹ Tin, dɔ́a bɛ nadi egwak dɔ́a Maali nadi eke náá: «Yezu ɛ nɛ tsik! Mɛ eebee nyɛ!» Bɔɔ djas nabe ɛ ààmyaal nyɛ.

Yezu eezɛtel bɛdjekel bɛ nyel mbi tela sis

¹² Bhis yenek, bot ɛbá nadi esik, tɔ pɛ del ɛ lɔɔ. Wɔ gwaa, Yezu zɛboma nɛ nɔɔ ɛ ze, nyɛ zokazɛtel nyel mbi tela sis.

¹³ Bɛdjekel binɔk bebá zokabula, zɛɛɛ bɛsɔ bɔɔ. Bɔɔ ààmyaal bɛ yenek.

Yezu eezɛtel nyel nɛ bɛdjekel bɛ kam nɛ ngɔt nalik

¹⁴ Bhii tak, wɔ gwaa nyɛ zɛtel nyel nɛ bɛdjekel kam nɛ ngɔt nalik ɛ, ɛ sok bɛ nadi kɔ mesa edɛ edee ɛ. Tin, nyɛ eezɛdul bɛ mɛlɔ náá: Bɛ ààdum konj nɛ Zɛɛb. Dɔɔ nɛ ɛlyel ɛ lo bɛ di nɛ yɛ ɛ, ààmyaal sa bot ɛ nabee nyɛ, nyɛ eezegom ɔ nalɛɛ ɛ.

¹⁵ Bhii tak nyɛ eezɛɛɛ nɛ nɔɔ náá: «Tɔ́ka kɔ bɔs djas, kɛgoolaka bot ɛ membyak djas Mbɛɛ Bhaadal.

¹⁶ Mot ɛ dum konj nɛ Zɛɛb, da nyɛ ɛ duwa Zɛɛb ɔɔ, mot tak ɛ waabela tsik. Mot ɛ pɛɛ ɛmyaal ɔɔ, nyɛ waabela ndjɛ tɔ epɛɛ.

¹⁷ Beeka endem e mɛbwala aalyaal náá, bak ɛ bot ɛ di edum konj nɛ nam ɔ: Nɛ din ɛ lam, bɛ waasɔ embee esisim. Bɛ waalii elii na bes.

¹⁸ Bɛ waamɛt bɛnyɔ nɛ mɛmbɔ. Nɛghu bɛ dɛ mɛdii mɛ dho ɔɔ, yɛ aanákwaasa bɛ sonok. Bɛ waakɛl mɛmbɔ mɔɔ kɔ bot ɛ mɛbé, bot ɛ mɛbé tsak.»

Yezu eezɛsik pɛ daa Zɛɛb

¹⁹ Bhii Gheη Yezu nazelii ne nɔɔ deenek ε, wɔ gwaa nye zebyet tɔ gwoo. Penek, nye ε ndiindil pe mbɔ eghεη ε Zεεb.

²⁰ Bhii tak, bedjekel naazetɔ medhik djas, kegoola Mbεε Bhaadal. Gheη nadi ε ne nɔɔ sama wat, ekwyi-kwyee be tɔ mesa. Endem e mebwalala menek ε nadi elyaal bot ne tseetsε náá, Zεεb ε nadhis be.]

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbbee1-b255-555f-8c39-01878a3cad57